

सानसेयारि "बड'सा" खीरालाइयाव  
समानयारि जिउजो लोब्बा थानाय रायथाय, खन्थाय,  
सल', सल'बाथा आरो दावबायारि थावनि, पार्क  
बाइदिनि सायाव लिन्नाय लिन्निबां दैथाय हर/

सानसेयारि "बड'सा" खीरालाइया खेबखाने  
फोसावगोव/

बड'सायाव लिन्नायनि हुबा खालाम,  
"बड'सा" खी नोथां, जो बयबो आंगो खालाम/

सानसेयारि बड'सा मावखुनि

माइबं नोगोर, जोहोलाव दैमालु लामा

कक्राझार, विटिसि-783370

Website: www.bodosanewspaper.com



BODOSA ★ A Bodo News Daily ★ Wednesday ★ 27 October, 2021 Kokrajhar, BTC, Assam ★ Vol.- 31, Issue No. 210 ★ R.N.I.Regd.No.40994/91, AssamGovt.Regd.No.IPRD.40/2006/13,★Rs.8/-

## मरियनी बियाबआव जुथाय दोलोनि बिजाथिनि जानानै मिरु मन्थि सर्बानन्द सनवालआ फोसावदिनायाव बाहागो लादों कंग्रेसआ आथिखालाव जोबखानायनि लामायाव आरो राइजर दलआ मोनसे बिथा गैथै दोलो: सर्बानन्द सनवाल

मरियनी, 26 अक्टबर: फेगो  
30 अक्टबरआव खुंजानो गोनां  
उफ्रा बिसायख 'थिनि थाखाय  
मिरु केबिनेट मन्थि सर्बानन्द  
सनवालआ दिने मरियनीनि  
हेमलाइ मरानगावआव  
बिसायख 'थि फोसावदि  
मेलआव बाहागो लाफेदों।  
बिजेपि जुथाय दोलोनि बिजाथि  
रुपयति कुमिनि हेफाजाबआव  
बिसायख 'थि फोसावदिनायनि  
सिगाडव मिरु मन्थिआ सुबुं  
गौमायाव नुजाथिफेनाय गागि  
नोगोरफोरजों सावयलायनानै



बिसोरनि बोर आजावनानै  
लायो। आसामनि गासैबो  
जौगानायनि लामाखौ मोजां  
खालामनानै भारतयारि जनता

सानआवनो आसामनि गासैबो  
थाखोनि सुबुंफोरा समान मान  
मोन्थाय आरो मोजां खुंथाय  
मोन्तो हादों होन्नानै सर्बानन्द  
सनवालआ बुडो। गेदेमा  
स्वर्गदेउ चावलुं सुखाफानि  
आदर्शखौ थि लाखिनानै थानाय  
5 बोसोरव बरक-बुलुबुथुर,  
हाजोयारि-हाये नारि  
गोरोबलायनारनि थासारिजों  
जौगानायनि गोखैथिखौ थि  
लाखिनारनि थाखाय गुबुन  
(□ 5 बिलाइआव)

## कक्राझारआव नेहरु युव केन्द्रनि बान्जायनायाव दाखोर-दाला सिबखानायनि हाबाफारि खुंदों



कक्राझार, 26 अक्टबर: बि  
टि सिनि सदर कक्राझारआव  
उदासिनि अमृत महत्सबजों  
लोब्बा लाखिनानै नेहरु युव  
केन्द्र, कक्राझारनि बान्जायनायाव

आरो पब्लिक हेल्थ इन्जिनियारि  
बिफाननि हेफाजाबाव दिने  
सोहोरनि पब्लिक हेल्थ  
इन्जिनियारि बिफाननि  
(□ 5 बिलाइआव)

## जिरन बसुमतारिनि जानानै गसाइगावआव प्रमद बर'आ बिसायख 'थि फोसावदिंदों

गसाइगाव, 26 अक्टबर:  
बिसायख 'थिनि फोसावदिनाय  
हाबाफारिया जोबनो  
साननैसोल' सम थावनायनि  
गेजेरावनो दिने गसाइगावआव  
इउ पि पि एल दोलोनि बिजाथि  
जिरन बसुमतारिनि जानानै  
फोसावदिफेयो बि टि आरनि  
गाहाय मावफुं सोद्रोमा प्रमद  
बर'आ। गसाइगाव सदर  
सोहोरजों नांजाबफानाय  
(□ 5 बिलाइआव)



## तामुलपुर बियाबनि बिजाथि जलेन-गनेशजों लोगोसे साथामनो जाहोन फोरमायथिनो फोसावलाइ दैथायहरदों 4257 लिटर हादरयारि जौ आरो 1,66,800 रां बाक्सा जिल्ला खुंथाया बोखांदों

मुसलपुर, 26 अक्टबर: राइज्योआव खुंजानो  
गोनां बिधान सभा उफ्रा बिसायख 'थिखौ लानानै  
बिसायख 'थिनि नेमखान्थि बिधानमा  
बाहायजानाय समाव धोननि आइन बेरेखा  
लेनदेन, भयारनो धोन होनानै बुरखायनाय, आइन  
बेरेखा जौ रानानै होनाय बायदिफोरजों होबथानो

थाखाय बाक्सा जिल्ला खुंथाया गोखों बिफाव  
लादों। जिल्लानि तामुलपुर बिधान सभा  
बियाबनि थाखाय फेगो 30 अक्टबरआव जानो  
गोनां उफ्रा बिसायख 'थिखौ उदां आरो मोजाडे  
खुंफुनो थाखाय आखाइयाव लानाय थांखि बादिदै  
खुंथाया जिल्लानि (□ 5 बिलाइआव)

## राइज्योआव कार्फिउनि समखौ 1 घन्टा फोलावनानै होबाय गुवाहाटी, 26 अक्टबर: राइज्योआव कार्फिउनि समखौ 1 घन्टा खम खालामदों, हरनि 11 रिगानिफ्राय फुनि 5 रिगसिम कार्फिउआ गोहोमाव थागोन। मोनसे गोदान एस अ पिखौ (□ 5 बिलाइआव)

## उफ्रा बिसायख 'थिआव कंग्रेसआ देरहायोब्ला आसाम शुक्तिनि जिउ मोनफिनगोन: भुपेन बरा भवानिपुर एआइइउडिफनि एमएलए आबुदुल कालाम आजादआ कंग्रेसआव हावफैबाय

पाठशाला, 26 अक्टबर:  
भवानिपुर उफ्रा बिसायख 'थिखौ  
लानानै कंग्रेस, बिजेपि आरो  
एआइइउडिफनि गेजेराव बाथ्रा  
बान गावलायनाया दासान्दि  
नोजोर होथावना जानानै फेदों।  
प्रदेश कंग्रेस कमिटीनि  
आफादगिरि भुपेन बराया गिबि  
मन्थि हिमन्त बिश्व शर्मानि



हंथायै गोखों गाग्लोबनायाव  
नांथावनो हमदों। दिने  
बिसायख 'थि फोसावदि  
मेलआव बाहागो लानानै  
आफादगिरि बराया गिबि  
मन्थिखौ थगयसुला,  
फोथायखेबस' बुंबाय थागोन  
होन्नानै बुडो। पाठशालानि  
(□ 5 बिलाइआव)

## भवानिपुरआव बिजेपिआ लान्थियै फोसावदिंदों

भवानिपुर, 26 अक्टबर:  
उफ्रा बिसायख 'थिनि  
सानआ गुसुं जाबोनाय  
लोगो लोगो माखासे  
राजखान्थि दोलोफोरखौ  
गोखोडे बिसायख 'थि  
फोसावदिनायखौ नुनो मोन्दों।  
(□ 5 बिलाइआव)

## काजलगावआव आशा मावफारियाफोरा सोमावसारनाय हाबाफारि खुंदों

काजलगाव, 26 अक्टबर:  
महामारि कभिड-19नि हंथायै  
सोलिबाय थानाय दावहानि  
मोनसे बाहागो आशा  
मावफारियाफोरा सरकारनि  
गोरोबधि गैथै खांथिखौ हंथा  
होनानै कभिड-19नि होबथानाय  
(□ 5 बिलाइआव)



## जलेस्वरआव बिपिएफआ बिसायख 'थि फोसावदिं मेल खुंदों

गसाइगाव बियाबखौ बिपिएफनि आखाइनिफ्राय सेख 'नाया गोलें नडा,  
बेखायनो बिजेपिनि मन्थि-एमएलएफोरा थाफेनादों: अन्जलि दैमारि



गसाइगाव, 26 अक्टबर:  
गसाइगाव बिधान सभा  
बियाबखौ बिपिएफनि  
आखाइनिफ्राय सेख 'नाया गोलें  
नडा। थानाय खेबथाम बिधान  
सभा बिसायख 'थियाव  
बिपिएफनि एमएलए रंसारि



दैदेनगिरि आरो मिरु आफादिनि  
नेहाथारि अन्जलि दैमारिआ बुंदों।  
आथिखालाव 28 नं गसाइगाव  
बिधान सभा बियाबनि सिडाव  
थानाय माखासे बिसायख 'थि  
फोसावदिनाय मेलआव बाहागो  
लानानै बिपिएफनि बिजाथि ध्रुव  
कुमार ब्रह्म नार्जारिनि जानानै  
बिसायख 'थि फोसावदिडो  
बिपिएफनि नेहाथारि अन्जलि  
दैमारिआ। गसाइगावनि  
(□ 5 बिलाइआव)

माजेन्द्र नार्जारिआ देरहादोंमोन  
आरो बे खेबआवबो बिपिएफनि  
बिजाथिआ देरहागोन। बेबादि  
बिबुंथिखौ बिपिएफनि गागि

## 58 नं तामुलपुर बिधान सभा बियाबनि भटारस पार्तिनि बिजाथिआ बिसायख 'थि फोसावदिंदों



तामुलपुर, 26 अक्टबर:  
राज्योयाव उफ्रा बिसायख 'थि  
खुंनयनि साना खाथिनिफ्राय  
खाथिसिन सौफेनाय लोगो  
लोगोनै तामुलपुर बिधान सभा  
बियाबनि गुबुन गुबुन राजखान्थि  
दोलोफोरा गाव गावनि

आदबजों फोसावदिनाय  
हाबाफारिखौ गोखोंनिफ्राय  
गोखोंसिन खालामनयखौ नुनो  
मोनदों। बेबायदिथेनो उन जानानै  
थालाडाखै 58 नं तामुलपुर  
बिधान सभा बियाबनि भटारस  
(□ 5 बिलाइआव)

## भवानिपुरनि पालसिगुरिआव गिबि मन्थिनि बोसोनगिरि जयन्त मल्ल बरुवा, देंखोगिरि साजन नायकमोनह बिभायख 'थि फोसावदिंदों

सालबारि, 26 अक्टबर: प्रदेश  
कंग्रेसनि आफादगिरि  
जानांगौब्ला खेबथाम जेनांगौ।  
खेबथाम जेनबोनाय सुबुडा  
राजखान्थिनिफ्राय आजिरा  
लानांगौ। बे बिबुंथिखौ  
राइज्योनि गिबि मन्थि हिमन्त  
बिश्व शर्मानि राजखान्थि  
बोसोनगिरि आरो एमएलए  
जयन्त मल्ल बरुवाआ बुंदों।  
दिने भवानिपुर बिधान सभा  
बियाब आरो बाक्सा जिल्ला  
सालबारिनि पालसिगुरिनि



जयन्त मल्ल बरुवाआ बुंदोंदि,  
कंग्रेसनि मेलखौ बालादेशनि  
ढाकायाव जानायबादि मोनो।  
मियानि थाखाय गस्ला बिसिग्रा  
सुबुड असमीयानि जानानै बाथ्रा  
बुंनयनि गियान गैया। हिमन्त  
बिश्व शर्माखौ सांखानियनि  
गियान भुपेन बरानियाव गैया।  
खाफाल गात्रिआ बेनोदि, प्रदेश  
कंग्रेसनि मोनसे मान गोनां मासि  
भुपेन बराया मोन्दों। गावनो  
जेनाय सुबुडा शैलेन्द्रनाथ दासखौ  
(□ 5 बिलाइआव)

## बागानपाराआव रसिका एक्का बुथारनाय जाथयनि बिजिरनाय नागिरनानै फरायसा आफादफोरा सोमावसारदों

बागानपारा, 26 अक्टबर:  
रसिका एक्काखौ बुथारनाय  
जाथयनि बिजिरनाय नागिरनानै  
बाक्सा जिल्लानि बागानपारनि  
राजा लामाखौ सोगोमखां होयो।  
500 निबो बांसिन फरायसुला-  
फरायसुलि आरो आइजोफोरा

हान्जा सुरनानै गोखों  
सोमावसारनाय हाबाफारि  
लायो। आसा-आसु आरो  
एबसुनि बान्जायनायाव बे  
हाबाफारिखौ खुंनय जायो।  
मख 'नो गोनांदि थानाय  
(□ 5 बिलाइआव)

## बाक्सायाव दिवाली फोर्बोखौ लानानै मुखुब जादों हानि दो दाग्राफोरा



सम दंबावो। आथिखालाव  
दिवाली फोर्बोखौ लानानै मुखुब  
जादों हानि दो दाग्राफोरा। हानि  
आलारि बाथि दानाय-लुनायाव  
मुखुब जादों हानि दो दाग्राफोरा।  
बाक्सा जिल्लानि बागानपारा  
सार्क लनि सिडाव थानाय  
पलासि गामिनि हानि दो  
दाग्राफोरा आलारि बाथि-दो  
बायदि बायदि मुवा-बेसाद  
दानाय-लुनायाव मुखुब जादों  
हानि दो दानायजों लोब्बा थानाय  
आइजोफोरा। बिथांमोनहा  
मिथिहोनाय बायदिब्ला फेगो  
दिवाली फोर्बोनि थाखाय  
गंफोमबो नख 'रआवनो 5  
निफ्राय 10 रोजासिम हानि  
(□ 5 बिलाइआव)

## गोमोथावना महरै बुहुमनि गिदिंखन्नाया लासै जाबोनो हमदों

वाशिंठन, 26 अक्टबर:  
बुहुमनि गिदिंखन्नाय खारथाया  
सोमोनांथावना महरै लासै  
जाबोनायखौ लानानै  
गोनोखोगिरिफोरा सानस 'नो  
हायै जाथाय होन्नानै फोरमायदों।  
बुहुमनि बे लासै खारथाया

गोनोखोगिरिफोरखौ सानस 'नो  
हायै खालामदों। बेनि सिगांबो  
2020 माइथायाव  
गोनोखोगिरिफोरा बुहुमनि  
खारथायखौ सरासन्थानिखुइ  
एसे गोखैसिन जादों होन्नानै  
हमदांदोंमोन। बुहुमआ गोखै

खारथायजों गिदिंखन्नो लानाया  
बे बोसोरनि सिगां 6 दानसिम  
सोलिगासिनो थादोंमोन। नाथाय  
फिन आरोबाव बुहुमनि  
खारथायाव सोलायफिन्याय  
फेदों। दासान्दि बुहुमआ गावनि  
(□ 5 बिलाइआव)

सम दंबावो। आथिखालाव  
दिवाली फोर्बोखौ लानानै मुखुब  
जादों हानि दो दाग्राफोरा। हानि  
आलारि बाथि दानाय-लुनायाव  
मुखुब जादों हानि दो दाग्राफोरा।  
बाक्सा जिल्लानि बागानपारा  
सार्क लनि सिडाव थानाय  
पलासि गामिनि हानि दो  
दाग्राफोरा आलारि बाथि-दो  
बायदि बायदि मुवा-बेसाद  
दानाय-लुनायाव मुखुब जादों  
हानि दो दानायजों लोब्बा थानाय  
आइजोफोरा। बिथांमोनहा  
मिथिहोनाय बायदिब्ला फेगो  
दिवाली फोर्बोनि थाखाय  
गंफोमबो नख 'रआवनो 5  
निफ्राय 10 रोजासिम हानि  
(□ 5 बिलाइआव)

# सुजुगिरिनि खोलोम

## आबाद, जिब-जुनात फिसिनाय

मुलुगनाडै दरफ्रोम हादतनि सुबुंफोरानो जिब-जुनात फिसियो। बेबो मोनसे रोखोमनि आबाद। जिब-जुनात फिसिनाय फालांगिनि गेजेरजों थानानै थानायनि राहा-लामा, रंखावरि आर्जिनारनि बाश्राखौ गुबुन हादतनिजों रुजुनानै बुनांगो गोनांथि गैया। जॉनि हादत, हादतसा आरो ओन्सोलावबो गोबां रोखोमनि जिब-जुनात फिसिनाय फालांगियारि महरै जाफुसारनाय नुनो मोनो। बेनि थाखाय नांगो जायो गावनि सायाव फोथायनाय, गोसोनि बोलो आरो थुलुंगाजों नाजानानै थांखिसिम सौहैनानयनि सिगां फासै आगान सुरलानाय। बोथोर आरो जायगानि आबहावाजों गोरोबनानै रोखोम रोखोमनि जिब-जुनात फिसिनायनि थाखाय दानि समाव गोबांथार सुबुरुन मोनफुंनो हायो। बिरोदामिननि बे मुगायाव मबाइलनि हेफाजाबै बारहावाजों गोरोबनाय बबे रोखोमनि आबाद एबा जिब-जुनात फिसिजायो बेखौबो मिबथिनो गोलै जानानै फैबाय। बुंनो थाडोब्ला मैंग-थाइगनिफ्राय लानानै फिथाय-सामथाइ, जिब-जुनात गासैयावबो जोलै सोलायनानै गोदान महरजों आबाद खालामनायाव सुबुंफोरा नांथावनो हमबाय। बेनि जाउनाव जायगानि फिथाय-सामथाइ आरो मैंग-थाइगनि सोलायै गुबुन महर आरो जाथोनि बाहायनो हमबाय। गोबां मुलाम्फा आर्जिनारनि थाखाय एसेल' सम आरो खरसाजों दाव-अमा, बोरमा-हांसो फिसिनायनि लामा मिबथिनो मोनबाय। गोबां गाइखेरनि थाखाय जायगानि मोसोखौ नागरानानै गिदित जाथोनि मोसो फिसिनाय सुबुंफोरा गोबांसि आर्जिनो हानाय जाबाय। आबादनि आदोब आरो रोखोमखौ सोलायनानै गोबां मुलाम्फा आर्जिनो हानाय जाबाय। अब्लाबो सुबुंफोरखौ जायगानि दिहु-थायबो नागिरनाय नुनो मोन्या जायो। मैंग-थाइगनि बेलायाव लकेल-अर्गेनिक, ना-बेदरखौ देशि दिहु-थाय नागिरनायाबो समानैनो बांनो हमदों।

मैंग-थाइगनि आबादफोराव जैरै बेराम-आजार सोमजियो बिबिदो फिसिनाय दाव-अमा, बोरमा-हांसो, मोसो-मैसोफोरनावबो बेराम-आजार सोमजियो। आधिखालनि समाव जिब-जुनातनिफ्राय लानानै आबाद मैंग-थाइगनि बेरामफोर नुजायोब्ला मुलि बाहायनाय जायो आरो फाहामथाय होयो। बेखौ आबाद मावग्रा आरो फार्म खालामग्राफोरा सिगांगो मिबथिनानै लाखायो जाहाथे खहा फैनो हाया। नाथाय गामि ओन्सोलाफोराव नख'र नख'र फिसिनाय दाव-अमाफोरनि सायावबो मुलि आरो फाहामथायनि राहा लानांगो जायो। सिगां समफोराव बेराम-आजारनि फासै मिबथिनो रोडै-आव आरो मुलि-फाहामथायनि आंखालाव जॉनि फिसिनाय दाव-अमाफोरा थैग्लुनानै गोबाडै-नो आद्रि जालाडोमोन। दानि समाव बिबिद थारसिया फैनो हाया बेनि राहाखौ लानो रॉनांसिगोन।

# दिनेनि फान्जामुधि

**राशि बाइदियै मुनि गिबि हांखो**  
 मेष : अ ल बृष : ऊ ब (उ ए इ) मिथुन : क छ (ड ङ)  
 कर्कट : ड ह सिंह : म ट कन्या : प ट (ण ष)  
 तुला : त र वृश्चिक : ब न धनु : ध भ (ड फ)  
 मकर : ख ज कुम्भ : ग श (स) मीन : द च (ख ज झ)

- मेष:** सोलौंथायाव रंग थिखौ मोनो हागोन। गोसोखौ गोजेनाय मोनगोन। मोजां दिन।
- बृष:** जैरिंथिबो नोजोर होनानै सांग्रां जानानै थानांगोन। जेनाफोराव गोलैनो हागौ।
- मिथुन:** गोजेनै समखौ बार होनो हागोन। फारफोमथिबो जौगानाय फैनो हागौ।
- कर्कट:** मोजां खामानि मावनारनिफ्राय गोजानाव थानो नाजा। दिनें समा मोजां नडा।
- सिंह:** जेखि मावा जौगानाय फैगोन। फालांगिफोर खालामोब्ला मुलाम्फा जागोन। मोजां सान।
- कन्या:** जेखि जाया हाबा मावनारनि खाबुफोर मोनो हागौ। दिनेनि साना मोजां।
- तुला:** बे राशिन थाखाय बेरेखा सम। जेखियानो जाया गोसो हमथानानै सोलिनांगोन।
- वृश्चिक:** मानिबा जाहोनायनि थाखाय गोसोखौ गात्रि मोनखांगोन। गोसो हमथानानै सोलिनांगोन।
- धनु:** मोजां खामानि थाखाय सोरजोंबा जुगा-जग खालामनो मोनगोन। मोजां दिन।
- मकर:** गोसो थोलायनारनि बान्दोआ गोर जालांगोन। गोजेनै समखौ बार होनो हागोन।
- कुम्भ:** देहायाव बायदिसिना जालु-जालानि थाखाय महर-मुसिआ गोमालानो हागौ। देहाखौ सांग्रांयै लाखि।
- मीन:** जेरावखि दावबाया मानो जेनायाव गोलैनो हागौ। सांगराडै दावबायनांगोन।

# आबहावानि थासारिखौ सामलायनायाव फेलें जाबाय मुलुगआ: इउ एन

जेनेभा, 26 अक्टूबर: जुथाइ हादतआ आबहावानि थासारिखौ थाबथानाय गैयै दावखलायनायखौ लानानै सांग्रांथि होदों। इउएनआ बुंदों आबहावायाव ख'हा गोनां गेसफोरनि अन्जिमाया बांबोगासिनो दं। 2020 आव बे अन्जिमाया रिक्ड थारखोसिम सौहैदों। मुलुगआ बिदुंखौ खम खालामनाय थांखिसिम सौहैनो हायाखिसै। इउ एननि बे फिन्नाया आबहावानि सायाव ग्लासग'आव 31 अक्टूबरनिफ्राय जानो गोनां हारिमायारि सन्मेलननि सिगां सोराडाव फेंदों। बे सन्मेलनआव मुलुगनि दर 200 नि बांसिन हादतफोरनि दैदेनगिरिफोर आरो थान्दैफोरा बाहागो लागोन। इउ एननि मुलुग बोथोर फसंथान (डाब्लिउ एम अ) नि बादिब्ला, 2020 आव कार्बन डाइ अक्साइडनि बिबांआ मोनफ्रॉम 10 लाखआव 413.2 सिम सौहैबाय। विष गोनां गेसनि बे बिबांआ



कभिड-19 इनफेक्सननि समाव मुलुगनि बांसिन बाहागोफोराव सोलिनाय लकडाउननि उनावबो नुजाथिदों। मख'जाथावदि, करना बाइरास गोसोरनाय समाव गोबांसिन गारि-मथर आरो कारखानाफोरानो बन्द' थादोंमोन आरो गुबुन हान्था-मेलोफोराबो होबथाजाना दंमोन। डाब्लिउ एम अनि गाहाय नेहाथारि पेट्री टालासनि बादिब्ला, आधिखालाव बिदुंखौ बांहोग्रा गेसफोरखौ ओंखारहोनाया 2015 निखुइ

# तालिबाननि खुंथायाव उखैहाबनानै सा 8 मावरिया गथ 'फोरा जिउ गोमादों

काबुल, 26 अक्टूबर: तालिबाननि खुंथायाव आफगानिस्ताननि सुबुंफोरनि जेनाया सानफ्रोमबो बारायनो हमदों। आधिखालाव बेयाव सुबुंफोरनि उदै बुंहोनायाबो जेना गोनां जाना फैबाय। जर'खायै बाडइ सुबुं सानखोनि फोलेर आरो मावरिया गथ'फोरनि थासारिया बयनिखुइ गात्रिसिन। बावैसो समनि गेजेराव खमैब्लाबो सा 8 गथ'फोरा उखैनायजों थैनायनि खौरां मोन्नाय जादों। गथ'फोरा उखैनायजों थैनायनि खौरां मोन्नाय जादों। बे गथ'फोरखौ सोनाब काबुलनि एतेफाक शहरनि होनानै फोरमायनाय जादों। जॉनि हेफाजाबगिरि वेबसाइट डाब्लिउ आइअएनआव सेबखानाय खौरनि बायदिब्ला, उखैनायजों थैनाय गथ'फोरा मावरियाफोरमोन आरो तालिबानआ खुंथायाव फैनारनि उनाव बिसेरनि मुलाम्फाया बन्द' जादोंमोन। थि बिबांनि जाग्रा आदार मोनैनि जाहोनाव बिसेरनि थासारिया लांथियै गात्रि जालांवाय थादोंमोन आरो



सालायोमोन। नाथाय तालिबाननि खुंथाया बिसेरनाव जेबो खामानि गैयै जादोंमोन। सुलुनि बादिब्ला, सोनाब काबुलनि मस्जिदजों सोमोन्दो थानाय महम्मद आलि वामियानीआ बे गथ'फोरखौ फबो। बिथाडा फोरमायनाय बायदिब्ला, बे सा 8 गथ'फोरनि गेजेराव सान्ने हिन्जावसा आरो सान्ने हौवासाफोर, जायफोरखौ सिगाडाव खाथिन सुबुंफोरा जाग्रा आदार होयोमोन। नाथाय बेफोर बिसेरनि थाखाय थोजासे नडामोन। थि बिबांनि जाग्रा आदार मोनैनि जाहोनाव बिसेरनि थासारिया लांथियै गात्रि जालांवाय थादोंमोन आरो

## (मुंद'सल')

### राखाव बसुमतारी

**गोदो-गोदाइनि समआव**  
 मुनि-ऋषिफोरा गावसोर गोजेनायमोनब्ला बोर होनायमोन आरो रागा जौब्लाथाय गात्रि रोखोमै साव होनायमोन। बोरनि ओंथिया 'आशिबाद'; बेनि फिथाइया मोजां जानायमोन देइ! साव होजाब्लाथाय बेनि फिथाइया गात्रि थारसै आरोमा। मिथिबाय ना नोंसोर? मोदाइफोरनि गेजेरावबो ब्रह्म, बिष्णु आरो बोरइ-बाथोवा गोजेनाय मोनोब्ला बोर होनायमोन आरो मोजां जानायमोन। नाथाय बिसेर रावखौबो साव होआमोन दे। गोनां जायोब्ला बिसेरों साजा होनायमोन। दावहा नानानै जिउखौबो फोजोबनाय मोन।  
 नाथाय मुनि-ऋषिफोरा सोरनिबा सायाव गोजेनाय मोनाखैब्ला थोंजोडैनो साव होनायमोन। मोदाइफोरा मुनि ऋषिफोरनि सावखौ थोर थोर गिथारनायमोन। आरो बिसेरो थाथेरनो हायामोन दे। बेनि खायनो मोदाइफोरा बिसेरखौ फुजिनाय सिबिनायफोराव अरायबो सांग्रां जानाय मोन। फैदो दानिया बे सावनि सल' खौनो खोनासंदिनि। मुनिफोरनि गेजेराव दुर्बासा मुनियानो बयनिखुरैबो रागा गोनांसिनथारमोन। बियो अत्रि मुनिनि फिसाज्जामोन; बिनि बिमानि मुज अनसुयामोन दे। बिसेर सानैबो जोबोद मोजांथारमोन। रावबो मोजांनि अनगयै गात्रिखौ सानफेरा; सानखाया। अथस' बिसेरनिनो फिसाज्जा दुर्बासाया अरगं बायदि रोहो रोहो रागा दंमोन। बिखौ नुब्लाथाय बयबो थोर थोर गिथारनायमोन आरोमा! मानोना बिनि सावआ अर सालाइ बायदि खामग्लानायमोन। बियो मोदाइ राजा

# सावनि साजा

इन्द्रखौबो साव होदोंमोन नंथारै जाहोनावनो। सानसे खालि मोदोमफुलायनाय दांसे बिबार लु मोनानै बेखौ इन्द्रनो गथायदोंमोन। इन्द्रआ बे बिबार लुखौ मैदेरनि बिखुडाव दोनदोंमोन आलो आलोयै; बायसि जिसि आरो जसि-जसियै। मोदोमफुलायनाय बिबारनि लु मोदोमनायाव मैदेरा थानो हाथैनि बेखौ सुन्दाइजों हाननानै लाबोदोंमोन। आरो बेखौ नुनानै दुर्बासा मुनिया रागाजोंनो थाथेरनो हाथै जानायसै। आरो बुनायसै,--“ आंनि होनाय बे बिबार-लुखौ मानगैयै खालामबाय! नॉनि राजलोखिया नॉनि नआव बारा गोबाव थानाय नडा। बेनि उनाव इन्द्रहा मा बायदि गिथाव बाथाव हालोर।  
 बियो कृष्णखौनो साव होनो नागाराखैमोन मिथिबाय? नाथाय कृष्णआ बे सावखौ मिनि रंजायै आजावनानै खर'आव रुजुनदोंमोन। बे सावनि जाउनाव जरा ब्याधआ सानसे खालि बिखौ मै साननानै बोरला-थिरजों गावदोंमोन। बेवहायनो कृष्णआबो जिउ गारनादोंमोन। थारैनो साननो गोनां नडा होमब्ला? गेजेर गेजेर उलथाबोजायोलाय! बे बायदिनो अनथाव बाथाव साजा मोननादोंमोन साव-होनायनि फिथाइ महरै। दुर्बासा मुनिया। बिष्णुनि असे सिबियारी अजध्यानि राजा अम्बरीषखौ साव होनायनि थाखाय दुर्बासा मुनिया जोबोर गेदेर खैफोदआव गोलैदोंमोन। बिहा गावनि जिउखौ लानानै हालाइ-हाफाय जानादोंमोन। बेयो थारैनो दायगैथारि

सुबुंखौ साव होनायनि फिथाइ दे! जाय दाय खालामा, बिखौ साजा होनो नाजायोब्ला गावनो बे साजाखौ मोनथारनांगोन। नारदआ खैफोराव गोलैदोंमोन दुर्बासा मुनियाबो रोखोमसे खैफोरजों मैहुर खालामजादों मोन। राजा अम्बरीषा बिष्णुनि असे सिबियारी मोन। बियो गोबां खेब हुम जैगो होदोंमोन। फुजा होनायमोन, धियान खालामनायमोन, आरो बयबो फालिदोंमोन। सानसे खालि बियो बोसोरसेमानि ब्रत खालामदोंमोन। बोसोर आबुं जाखानायनि उनाव बियो हरथाम गोजोन जाया लोड जमुना दैमायाव दुर्गैहैदोंमोन। बेनिफ्राय बेरे मोदैन अरन बारियाव बिष्णुखौ गोसो गोथारै फुजा खालामनायसै दान आरो जानाय खालामदोंमोन। नाथाय गाव जानायनि सिगां दुर्बासा मुनिया बिनि खाथियाव नुजाफेदोंमोन। आलासि नुजाथि फैनारनि थाखाय बियो गोजेनायसै। गाव जानायनि सिगां-सिगां बियो दुर्बासा मुनिखौ गाव संनाय नुजाथि फैनारनि थाखाय बियो गोजेनायसै। गाव जानायनि सिगां-सिगां बियो दुर्बासा मुनिखौ गाव संनाय नुजाथि फैनारनि थाखाय बियो गोजेनायसै। गाव जानायनि सिगां-सिगां बियो दुर्बासा मुनिया गनायथिनानै गाव जमुना दैमायाव दुर्गैनो थानायसै।  
 औरैहाय दैयाव ओंखारनायनि लोगो लोगो दुर्बासा मुनिया अबंलावरीनि बाश्रा सानै सानै बावगुलानायसै ओंखाम जानांगौ बाश्राखौ। बियो फेफिननियाव राजाया जोबोद जारलायाव गोलैबाय। जिनै मैनाया जोबनो एसेल'खामोन। बे समनि गेजेरावनो एसे जानानै जाया लोड थानायखौ सिफायथारनांगोन। बे बायदि जायाब्ला ब्रतनिसो दाय

जागोन। आरो आलासि जानायनि सिगां गाव जाग्रोयोब्लाबो दाय जागोन। बे बायदि मोननै खैफोराव गोलैनानै राजाया पनदित ब्रह्मणमोननि खाथियाव सौनायसै, “बे थासारियाव मा खालामनाया मोजां जागोन?”  
 ब्रह्मणफोरा बुंबाय,--“ दैया औरै बायदि मुवादि बेखौ लौनाय आरो लोडै मोननैबो समान। बेनि ओंथिया बेनो दै लौनानै जायालासैनो थानो हायो आरो, सिफायनोबो हायो। ब्रह्मणफोरनि बाश्रायाव राजाया इसे दै लौनानै ब्रतखौ सिफायनायसै। बिनि ब्रत फालिनायाबो आबुं जानायसै। नाथाय मादि मैया अर्वनि। खैफोरा हासिंई फैया होननाय बायदि राजायाबो खैफोरावनो गोलैनायसै। दानदिसे उनावनो दुर्बासा मुनिया फेफिन नायसै। आरो राजाया बिनो जानो होनायनि सिगां गावनो जाग्रोबाय साननानै जोबोद रागा जॉनायसै। गासैखौबो थांखिनानै बुनायसै,--“बे अधोरमारी राजानि नोंसोर नुबाय। आं आलासि, जाया लासेनो आं फेदों, आरो बियो गावनो आंनि जानाय सिगां-सिगां जागासिनो दड'!”  
 राजा अम्बरीषआ बोलो होनानै, आखाइ खबज'नानै दुर्बासा मुनियो गासैबो बाश्राखौ बुजायनो नाजानायसै। नाथाय रागा बहा मुनिया रागा जॉनानै थोर थोर मावनोसो हमबाय। थिखिननिफ्राय खानाइ दोंथामसो फुनानै लाबोयो आरो जारिनानै होनायसै। थुंग्रि लानानै राजाखौ होनायसै दुर्बासा मुनि सोरजिनाय गोहो गोरा मानसिया आरो बियो

जेन अर बायदि रोहो रोहो खामनो होसोबोदों गोखैनो। नाथाय राजाया एसेबो गिथारारखैमोन; खारनोबो नाजाथारारखैमोन। हरखाब बियो गावनि गुरु बिष्णुखौ गोसोखानायसै आरो आरज गावहरनायसै। “हे आफा, नॉनि सिबियारीया दिनें खैफोराव गोलैबाय। आंनि गाबजिनायखौ खोनासंदों। अम्बरीष राजानि खाराव माराव गाबजिनायखौखि बिष्णुआ खोमा फांथेनानै थानो हागौ! नुनो मोनबायदि दानदिसेनो बिष्णुआ आखाइयाव सक्र लानानै फेनायसै आरो बै साया महरनि सुबुंखौ सय हांगार खालामनायसै। सक्रया दानिया दुर्बासा मुनिखौ दों-दों होसोनायसै। मेगननि खाथियावनो बे गिलु बालु जाथाइखौ नुनानै दुर्बासा मुनिया गिनायजों गावनि जिउ-रैखा खालामनो थाखाय खारनो नाजानायसै। आरो सक्रयाबो बिखौनो नोजोरसेयैनो जानो बायदि खालामगासिनो दं। दुर्बासा मुनिया साननायसैदि सुमेरु हाजोनि दन्दराव थानानै थाखोमा हैनो। नाथाय सक्रया बिधिबो होसो लांबावनायसै। लैथो-लैथोमा, अखा, फाथाल जेरैखि थाडा मानो, बियो खालै सक्रखौल, नुनो मोनो आरो गावखोनो होसो गासिनो दड'। जिउखौ रैखा खालामनो थाखाय बियो ब्रह्मनि खाथियाव नुजाथि हैबाय। ब्रह्मया बिखौ बुंनायसै,--“बै समायना सक्रनिफ्राय नोंखौ रैखाथि होनो हानाय आंहा गोहो गैया।”  
 दुर्बासा मुनिया अब्ला कैलास हाजो फारसे बाथो बोराइजों,--“नों बिष्णुनि खाथियाव थांदो। बिसो नोंखौ रैखा खालामनो हासिगोन।  
 दुर्बासा मुनिया

बेनि जाहोनावनो बिसेर जिउ नागारो। खाथिन सुबुंफोर फुनि समाव जेब्ला साहा हैनो थाडे अब्ला बिसेरखौ थैनाय महराव मोनो। बे गथ'फोरनि बिफाया बावैसो समावसो थैदोंमोन। बिफा थैनायनि माखासे साननि उनावनो बिमायाबो बे मुलुगखौ नागारलंदोंमोन। निखावरनि जाहोनाव बे गथ'फोरनि बिमा-बिफाया फाहामथाय मोनाखैमोन। बेरा फारसे आफगाननि पिपुल्स इस्लामिक इडनिटि पार्टिनि दैदेनगिरि महम्मद महकिकआ मुलुगजों आफगाननि खैफोदनि फारसे नोजोर लाखिनो आर'ज गाबो।  
 बिष्णुआ गोजोन गोसोयै बुनायसै,--“जाय मोजां, निस्थार, बिखौ मेगन सानानै हिंसा खालामनायनि थाखाय नोंहा बे रोखोम खैफोराव गोलैदों। नों जायखौ इनाय खालामदों, बिनि खाथियाव थानानै निमाहा बिहै। अब्ला नॉनि खैफारा गैया जालांगोन।  
 बे बाश्राखौ खोनानाय लगे लोगो गुरुनि बोसोन बायदियै दुर्बासा मुनिया अजध्यायाव राजानि खाथियाव थानानै निमाहा बिहैनायसै। राजा अम्बरीषआ आखाइ खबजबनानै, नायनो समायना सक्रखौ गिदि फिनलानो बुंथिनारसै। राजानि बाश्रायाव नायनो समायना सक्रया गिदि फिनलानायखौ नुनानै दुर्बासा मुनिया राजाखौ आसिबाद होनानै बुनायसै,--“आं दाय खालामदोंमोन; अब्लाबो नोडो आंनि जिउखौ रैखा खालामबाय! राजाया अब्लासिमहा लागै ओंखाम खबसेबो जानो हायाखैमोन। बियो मुनिखौ थांखिनानै बुनायसै,--“नोंथांआ आंनि सासे आलासि। बे खेबआव खुगायाव माबा मोनसे सोनांगोन आरो आंनिबो जिउखौ रैखा खालामनांगोन।  
 बे बायदि बुनानै बियो दुर्बासा मुनिनि आधिथाव हमनानै बिखौ ओंखाम जाहोनायसै। बेनि उनावसो गावबो ओंखाम जानायसै।  
 बै समनि आलासि फुजिनाया बे रोखोमनिमोन। आरो मुनि-रिसिफोराबो बुजियै बायदि दायगैथारि मानसिफोरखोनो साव होनायमोन। आरो गावसोरबो बे बायदिनो साजा मोननांनयमोन दे।

# दैनिकीय हाइड्रोजन दिहुन्नायनि सायाव आइआइटी गुवाहाटीया संदान्दों

गोदान दिल्ली, 26 अक्टूबर : भारतीय गोनाखो फसंधान (आइआइटी) गुवाहाटीनि संदानगिरिफोर खम बेसेनावनो मोनसे गोदान जोन्थोर एबा दाजेम जौगाखां होदों जेराव दैआव थानाय अक्सिजेन आरो हाइड्रोजनखौ आलादा खालामनायनि थाखाय साननि सोरंखौ बाहायो। हाइड्रोजनखौ मोनसे गोग्गो (बिगियान) गोबां एनाजि गोनां खाम मुवा गनायनाय जायो, जायखौ दोनधुमनोहो बायो आरो गोनाथि जानाय बादियै खामानियाव बाहायनो हायो। बे संदानाया जानैल अफ फिजिकल केमिस्ट्री



जाहोनावबो बांसिनै थुलुंगानाय मोन्दों। जीबाश्म इन्धनआ आबहावानि थाखायबो ख'हा गोनां। आइआइटी गुवाहाटीआ रामायन बिफाननि प्रफेसार मुहम्मद कुरैशीआ बुंदों 1839 आव एडमान्ड बेक्चेरेलनि गेजेरजों फट'बलिटक गोहोमखौ संदानायायनि उनाव सलार एनाजिखौ रासायनारि इन्धनआ सोलाय होनायनि हा बा फ र य । बिगियानगिरिफोरखौ गोसो दुंगा होदों। सलार एनाजिखौ आधिखालाव साबसिन गोग्गो (क्लिन) आरो रिनुएबोल एनाजि मानियाय जायो।

लेटास'आव सेबखांजादों, जायखौ आमेरिकन केमिकल ससाइटीआ दिहुनो। संदानग्रा हान्जानि बायदिल्ला, क्लिन

एनाजि जौगाखां होनायाव मुलुगनाडैनि नाजानायखौ आरो जीबाश्म इन्धननि बाखिया गोखेयै खमायबोनायनि

# आबादारिफोरनि सोमावसारनाया 11 दान आबुं जानायाव हादतनाडै धर्ना फोसावफिन्दों

गोदान दिल्ली, 26 अक्टूबर : आबादारिफोरनि सोमावसारनाया 11 दान आबुं जानायाव जुथाय आबादारि आफाद (एसकेएम)आ मंगलबारखालि फु'नि 11 रिंगानिफ्राय सानजौफुनि 2 रिंगसिमाव महकुमा आरो जिल्ला मावख'फोराव हादत नाडै धर्ना खालामनो फोसावयो। एसकेएमआ मोनसे बिबुंधियाव बुंनय बायदिल्ला, बेखौ लखिमपुर खिरि जाथाइनि बिथिडाव मिरुआरि नख'र राइज्यो मन्थि अजय मिश्रा देनोखौ ग्रेप्टार खालामनो आरो बिबानगिरि बोखलायनो दाबि



दिखानायनि सायाव नारसिनो थाखाय होनाय जादों। बे धर्नाया भारतनि हादतगिरिखौ सोमोन्दो लाखियाय मोनसे फोसावनायजों लोगोसे जोबना थांगोन, जायजों जिल्ला कालेक्टरफोर आरो मेजिस्ट्रेटफोरनि गेजेरजों थाखि खालामनाय जागोन।

उत्तर प्रदेशनि लखिमपुर खिरि जिल्लायवा 3 अक्टूबरवा जानाय हिंसायारि जाथायाव साब्रं आबादारिफोरजों लोगोसे गासे सा 8 सुबुंफोर थैदोंमोन। बे जाथायनि जाडनाव टेनीनि फिसाज्ला आशीष मिश्रा आरो सा 12 गुबुन सुबुंफोरखौ ग्रेप्टार खालामो। जायगानि आबादारिफोरा बे हिंसायारि

जाथाइनि थाखाय मिरुआरि नख'र राइज्यो मन्थि अजय कुमार मिश्रा, टेनी, आरो बेनि फिसाज्लाखौ दाय हमो। आधिखालाव अजय मिश्रा टेनिआ बे दायफोरखौ नेवसिगारनाई बनि फिसाज्लाया जाथाय जानाय जायगायाव गैयामोन होन्ना बुंदोंमोन।

# नख'र मन्थि अमित शाहआ सिआरपिएफ केम्पआव हर थानानै जवानफोरजों लोगोसे आदार जादों

श्रीनगर, 26 अक्टूबर : मिरुआरि नख'र मन्थि अमित शाह जम्मु काश्मीर दावबायनायनि थामथि आरो जोबथा सानाव थांनय समबारखालि पुलवामाआव थानाय सिआरपिएफ केम्पआव दावबायो। थांनय हराव अमित शाहआ सिआरपिएफ केम्पआवथो थानानै जवानफोरजों लोगोसे जाग्रा आदार जायो। बेनि खौरंखौ बिथाड गावनो टिट्ट खालामना होयो आरो बुडो आं सिआरपिएफनि जवानफोरजों लोगोसे सम हगारनो लुबैदोंमोन आरो बिसोरजों लोगो हमनानै बिसोरनि मोन्दांथि आरो जेनाफोरखौ नायनो लुबैदोंमोन। अमित शाहजों लोगोसे जम्मु



काश्मीरनि लेडइ राइज्यो बेंगिरि मनज सिन्हाआबो सिआरपिएफ के म्पयाव सौहैदोंमोन। पुलवामायाव सौहैनायनि उनाव अमित शाहआ काश्मीराव उतखारि आरो दायनिगिरि जाथाइफोरनि सायाव गावनि

सुबुरुनखौ लाखियो। बिथाड बुडो उतखारिफोरनि हँथायै मदि सरकारनि जीर टलरेन्स नेमखाथि दड आरो सरसन्ना सुबुंफोरखौ रैखा खालामनाया जौनि गिबि मावनांगो हाबा। बेजों लोगोसे

बिथाडा बुडो, सिगाडाव काश्मीराव अन्थाइ खुबैनाय जाथाया नुजाथियोमोन। नाथाय आधिखालाव बे थासारिया आलादा जाबाय। मोनसे समाव काश्मीराव अन्थाइ खुबैयोमोन। बेयो सुबुंथिनि हँथा आरो जों

बेखौ सहायनो हाया। आधिखालाव बेबायदि जाथाया गोबां खमायबाय। अदेबानि थानाय 2014-2021 नि गेजेरव गाग्लोबनायाव थैना जवानफोरनि अन्जिमाया दायखलायबाय। मानोना थांनय 2004-2014 नि गेजेरव उतखारि गाग्लोबनाय जाथायफोराव बोसोरव सा 208 नोगोरारिफोरा थैयोमोन। नाथाय आधिखालाव बोसोरव सा 60 जवानफोरा जोखोम जादों आरो सरसन्ना नोगोरारिफोरनि अन्जिमाया सा 30 ल' जाहैबाय। बे समाव बिथाडा मुख्लं जवानफोरनो बिबार बावयो। बे समाव बिथाडा जवानफोरनि जिउ बावनायखौ जों बावनो हाया होन्ना बुंदों।

# करना भाइरासआ थोंजोडै मेलेमआव गोहोम खोख्लैनो हागौ : स्टाडी



गोदान दिल्ली, 26 अक्टूबर: करना भाइरासआ खालि जौखौ बेरामल' खालामदों बे नड, बेयो जौनि खर'-मेलेमखौबो

सिलिंखार खालामो। मोनसे गोदान संदानायाव बेखौ दाबि दैखानाय जादोंदि, सार्च COV-2 भाइरासआ जौनि खर' मेलेमनि जिबखिफोरखौ थोंजोडै ख'हा खालामो। बे संदानायायनि फिथाइखौ नेचार न्युरसाइन्स जानैलआव सेबखांदों। हारिमायारि बिगियानगिरिफोरनि मोनसे हान्जाया बे संदानायाव मोन्दोंदि, वेस्कुलार जिबखिजों लोब्बा थानाय ब्लाड ब्रेन बेरियारखौ करना भाइरासआ सिलिंखार खालामो। बेनि जाहोनाव न्युर'जों लोब्बा गोनां जेनाफोरा खम एबा गोबाव समनि थाखाय जानो हागौ। अदेबानि दासिमआव बेखौ मिथिनो हनाय जायाखेदि, करना भाइरासआ खर'-मेलेमआव थोंजों सहैनायै बैनि जिबखिफोरखौ ख'हा खालामो ना खं'सालियायै गोहोम खोख्लैयो। बे गोदान संदानाया मोनसे जर'खा रोखोमनि खर' मेलेमनि जिबखिफोरनि सायाव बिथा खालामनानै नायबिजिरनाय। बेखौ सेलेब्रल

वेस्कुलार एन्ड थेलियान जिबखिफोरनि महराव सिनायथिनाय जायो। बे जिबखिफोरा ब्लाड ब्रेन बेरियारनि मोनसे गोनांथार बाहागो। बेफोर बै रैखाथि जिबखि एबा इन्जुर जायफोरा खर' मेलेमनिफ्राय बिष गोनां गुन्नासाफोरखौ बाइजोयाव लाखिनायाव मदत खालामो। संदानगिरिफोरा बे एन्डथेलियाल जिबखिफोरनि सायाव भाइरासनि गोहोमखौ मिथिनो थाखाय करनाजों जिउ गोमानाय बेरामिफोरनि खर'नि उतकसफोरखौ नायबिजिरदों। बे संदानायाव हाबाफारि मावनाय न्युरसाइन्सटिस्ट जन वेन्जेलआ फोरमायदोंदि, नायबिजिरनाय समाव गावसोर मोन्दोंदि, करनाजों जिउ ख'हा जानायफोरनियाव बे जिबखिफोरखौ गोबां बिबानि मोन्दों। बेनि सिगां सोलिफु बोसोरवनो येल इउनिभा सिटिनि संदानायाव बुंनय जादोंमोनिदि, करना सन्देरायजों ब्रेन फाग एबा खर'आव जिबखिफोराव थै रनसारिदनाय हाबाफारियाव सरसन्ना जेना जानो हागौ। बेयाव बुंवावनाय जादोंमोनिदि, करनाजों गोब्राबै भुगिनांनय मोजों जाफिनाय 80 जौखोन्दो सुबुंफोरनाव खर' मेलेमनि बेरामिफोरनि लोक्षोन नुनो मोन्दों। बिसोरनाव गाहायै एमनेसिआ आरो सरसन्ना मिल्ड सैजार्सनि लोक्षोन मोनाय जादों। फारसेथिं माखासे केसफोरव नुनो मोन्दोंदि, करना इनफेक्सन सन्देराखांनयनि उनाव खर'नि जिबखिफोराव थै रनसारनाया थि रोखोमै जायाखै। बेबो हरखाव थैनाय एबा सैजार्सनि जाहोन जानो हागौ।

# बिमा-बिफानि गनायथिनि अनगायै उन्दैफोरा ससियेल मिडियाखौ बाहायनो हानाय नलिया

गोदान दिल्ली, 26 अक्टूबर : ससियेल मिडियायनि गाजि गोहोमजों उन्दै गथ 'फोरखौ रैखा खालामनायनि फार्से अस्ट्रेलियाआ मुलुगनाडैनि गोखौसिन थोखि आजावदों। अस्ट्रेलियाव गोदान बिल थियारि खालामदों, जायनि बादिल्ला, ससियेल मिडिया प्लेटफर्मखौ बाहायनो थाखाय 16 बोसोरनि गाहायनि उन्दैफोरनो गनायथि होनायनि सिगां बिमा बिफानिफ्राय गनायथि लानाया गोनांथार जागोन। बे बिलआ संसदनिक्राय पास जायोब्लाबो फेसबुक आरो इन्सटाग्रामजों लोगोसे गुबुन ससियेल मिडिया

कम्पानीफोरा बाहायगिरिफोरनि बैसोखौ थि खालामनो आरो बिमा बिफानिफ्राय गनायथि लानाया गोनांथार जागोन। अस्ट्रेलिया सरकारनि फार्सेनिफ्राय दिन्थिनय बिलनि बादिल्ला आयेनखौ सिम्फायनायउन्दै गथ 'फोरनो गनायथि होग्रा कम्पानीफोरा से कौटि रंसिमनि जुग्मिना होनांनो हागौ। अस्ट्रेलियायनि गाहाय मन्थिनि लेडइ गोसोआरि गाहाम देहा (मेन्टल हेल्थ)आरो सुइसाइटखौ होबथानाय बिफानि मन्थि डेडिड कलमेन बिथानि बादिल्ला गोदान बिलआ ससियेल मिडिया कम्पानीफोरनिफ्राय उन्दैफोरखौ



रैखाथि होनायाव फुरा मुलुगनो राहा लामा दिन्थिगोन। मख'जाथावदि फेसबुकनि मेनेजर फ्रान्सेस होजेरनि फिन होनाय बादिल्ला सुबुंनि हित आरो कम्पानीनि हितआव जेना जानायनि थासारियाव गाविसनि कम्पानीनि हितखौ सिग्रांगो नोजोर होगोन होनायनि उनाव

अस्ट्रेलियाआ बे थोखिखौ आजावदों। उन्दैफोरनि सायाव गोग्लैनो गोनां गाजि गोहोमखौ खम खालामनो आरो प्राइबिसिनि रैखाथिखौ रोखा खालामनो हनाय बादियै गोदान बिलखौ लाबोदों। अस्ट्रेलियायनि गोदान बिलनि सायाव फेकबुकनि ओन्सोलारि नेमखाथिथ

बिथोनगिरि मिया गालिईकआ बुदों, गावसिनि कम्पानीया जेब्लायबो फ्राइभिसि आयेनखौ हेफाजाव होबोदों। उन्दैफोरनि डेटाखौ लानानै गावसोर हारिमायारि नेमखाथिफोरखौ हेफाजाव होयो, जैरे ब्रिटेननि एज एप्रिएट डिजाइन कड। मख'जाथावदि चीनआ ससियेल मिडियाखौ 16 बोसोरनि गाहायनि उन्दैफोरनि थाखाय लाइभ स्ट्रीमखौ होबथाना होदों। उन्दैफोरखौ अनलाइन भिडिय कन्टेन्ट खालामनायखौबो होबथादों। बेनि अनगायैबो गासैबो ससियेल मिडिया प्लेट फर्मखौ नोजोरखो लाखियो। आमेरिकायाव उन्दैफोरनि अनलाइन प्राइभिसि एक्सआ

1998 मायथाइनि सोलिबोदों। बे आयेनआ उन्दैफोरनि प्राइभिसि आरो बिसोरनि डेटानि रैखाथिखौ रोखा खालामो। भारतआबो पार्सनेल डाटा प्रटेक्सन बिल थियारि खालामदों, जेराव उन्दैफोरनि प्राइभिसि आरो डेटाखौ लानानै नेमखाथि दानाय जादों। नाथाय उन्दैफोरनि ससियेल मिडिया बाहायनायखौ होबथानायनि जेबो गोखौ नेमखाथि गैया। एनसिपिसिआरनि फार्सेनिफ्राय खालामनाय सार्भआव मोनाय जादोंदि, भारतआव 10 बोसोरनि गाहायनि 37.8 जौखोन्दो उन्दैफोरा गावनि फेसबुक एकाउन्ट आरो 24.3 जौखोन्दो उन्दैफोरा इन्सटाग्राम एकाउन्ट दं।

NO.DSKG/BTC-141/TP/PLAN/2018/26. Dated Kokrajhar the 26<sup>th</sup> October/2021.

**INVITING SHORT TENDER NOTICE**

Fresh Sealed Tender in plain paper validity 180 days affixing court fee stamp of Rs. 8.25 (Rupees Eight & twenty five paise) only to be eventually drawn up in PWD F-2 form tender agreement for the following works are invited from the Registered Contractor to be received on 29-10-2021 by the undersigned up to 3:00 PM and 'will be opened in the same date and time in presence of the contractor or their authorized agents. If the date of receiving tenders in holidays the tender will be received in the next working days.

Details terms and conditions, estimate etc. may be seen in the office of the Directorate of Sericulture, B.T.C. Kokrajhar during the office hours.

Sl No.	Name of Works	Estimated cost (Rs. In Lakhs)	Earnest Money	Time of completion
1.	Const. of Parking Shed at ADS office Saphkhati in Udalguri District under SOPD for the year 2021-22.	Rs. 12,00,000.00	Rs.12,000.00 (1%forSC/ST) Rs.24,000.00 (2% for General)	3 months
2.	Earth filling and C C block pitching at Cocoon Bank Campus at ADS, Office in Udalguri District under SOPD for the year 2021-22.	Rs. 13,63,000.00	Rs.13,630.00 (1%forSC/ST) Rs.27,260.00 (2% for General)	3 months

N.B.  
2 % (Two Percent) earnest money (1% for SC/ST/OBC/MOBC ) Person with attached copy 1 Of Cast Certificate should be deposited in the form of call deposit and NSC/KVP.

Sd/-  
Director of Sericulture  
Bodoland Territorial Council,  
Kokrajhar.

IPR(BTC)-296/2021

**GOVERNMENT OF ASSAM DIRECTORATE OF AGRICULTURE, ASSAM, KHANAPARA, GUWAHATI-22 REOI/Agri/Esst/5553/Misc/2020-21**

**WALK-IN-INTERVIEW**

Walk-in Interviews will be held from 10:30 AM to 4:00 PM in the Agriculture Campus for recruitment of potential candidates for the various positions as mentioned below. Interested Candidates shall be mandatorily required to bring an application as per the standard format along with all the original certificates/documents relating to qualification, experience, age, identity proof, latest salary certificate, two passport size coloured photographs etc. and also a set of self-attested copies of the same. Candidates shall go through the detailed Walk-in-Interview Notice and the Terms of Reference (TOR) for the positions at the website of <https://diragri.assam.gov.in> from 28<sup>th</sup> of October/2021.

#	Name of Positions	No of Positions	Indicative Range of CTP per year	Date of Walk-in-Interview
1.	Programme Officer	35	Rs. 6.00 Lakh	8/11/21
2.	Accounts Officer	33	Rs. 4.20 Lakh	15/11/21
3.	Media Expert	35	Rs. 2.88 Lakh	22/11/21

Note:  
1: Interview slots shall be on the basis of first come, first registration basis.  
2: If the number of candidates is very high the candidates may be provided a slot on any other day in the week commencing from the date of Wplk-In Interview.

Janasanyog /DF/1167/ 21 Director of Agriculture

# बरफनिफ्राय मानो उखुन्दै आँखारो? बेनि मिबथिनो गोनां बिगियानारि जाहोन

जेब्ला जों बरफनि थुखाखौ दैयाव होयोब्ला बेनिफ्राय उखुन्दै गयो आरो माब्लाबा नोजोर होफेदोंना, बरफनि गिदिर थुखानिफ्राय उखुन्दै गनायखौ? बेयो खुवा एबा कार्बन डाइ अक्साइड नड। बरफनिफ्राय उखुन्दै बायदि आँखारनायजों नुयो, नाथाय बेयो बबेबा गेसबो नड, अदेबानि बेयो दै खफ'सो जाय गुसु सुहाबनाय दैया बरफनि साखाथियाव लाथा खानाने थाफायो। जेब्ला बरफनि साखाथिनि बारहावाया गोबां गुसु जायो अब्ला बेनिफ्राय एफा एने दै खफआ दै थरथिंआव सोलायो। लाथा खानाने थानाय दै खफखौ बारआव उखुन्दै बायदि नुनो मोनो। मख'जाथावदि, दैखौ जों मोन्थाम महराव मोनो जै-लाव, गथा एबा बरफ आरो गेस एबा खफ। दैखौ लाथा खायोब्ला बरफ, लाव साव महराव थायोब्ला दै आरो गेस महराव



थायोब्ला खफ बुंनय जायो। बरफआव  $H_2O$  (दै) नि गुन्द्रासाफोरा गोखोडे गावजों गाव गोरोबफलेनाने थायो। लाव लाव महराव एसे खम गोहोजों आरो गेस महराव आरोबाव खमसिन गोहोजों गुन्द्रासाफोरा गावजों गाव जथायनाने थायो। जेब्ला गेस महराव  $H_2O$  नि

गुन्द्राफोराव एनार्जि एबा गोहोआ बांसिन थायो। जायजों बेफोरो डायनाक्सिस महराव थायो। मोनसे थि बिदुनिखुइ खमसिन दुंनय मोनोब्ला दैया बरफआव महर सोलायो। दैया आबहावायाव गेस महर थायो आरो जेब्ला बरफनि सा बिखुंआव बारआ सोग्राव फैयो अब्ला बेयो फिसा

फिसा दै थरथिं महराव सोलायो, जायखौ खफ' महरै जों नुनो मोनो। बारव दैया गेस महरै थायो। जेब्ला बरफनि सा बाहागोआव बारआ सौदाबफैयो अब्ला बारआव थानाय गेस महरै थानाय दैया दै थरथिंआव महर सोलायो जायखौ जों दै खफ महरै नुनो मोनो। □

## सानखान्थि सान्जायनि मोनसे सुंद' आरो गोरलै राहा



उन्दै समनिफ्रायनो सानखान्थि सान्जायनि सोंथिफोरा जों बयखौबो गिखांहोयो। बांसिन सुबुंफोरो सानखान्थि आयदानिफ्राय जानगाराव थानायखौ मोजां मोनो, नाथाय माखासे सुबुंफोरो दं जायफोरा सानखान्थिखौ गोरलैसिन आयदा आरो

साबसिन मोनो। सानखान्थि सान्जायनि गोबां फर्मुला एबा नेमखान्थि दड जायखौ जों गोमोनायबो मोनो। बेबादिनो माखासे फर्मुलानि सोमोन्दै जों मिथिना लानि फै - बेनि थाखाय गोसोआव जायखि जाया मोनसे अन्जिमा जानां गोन। बेजों बबेबा

अन्जिमाखौ सान्जाबखानायनि उनाव जाय फिन्नायखौ मोनगोन बेखौ गोलाव सानखान्थि सानालासे सुथाबे फिन्नायखौ मोनो हानायनि सुद' फर्मुला। बे फर्मुलायो जादों  $N \times 2 + 6/2 - N - 3$

(बेयाव N आ जोंनि गोसोआव सानखांना लानाय अन्जिमा जाय 10 निखुइ खमसिन)

बे फर्मुलाजों सान्जो थाखाय जों बिदिन्थि बायदियै 7 खौ लानाय जाबाय। बेखौ 2 जों सान्जाबना मोन्नाय अन्जिमाखौ 6 जों दाजाबोब्ला 20 मोनगोन आरो बेखौ 2 जों रानोब्ला 10 मोनगोन। जै-  $7 \times 2 = 14$ ,  $14 + 6 = 20$ ,

$20 \div 2 = 10$  मोनबाय।

बे 10 जों सिगांआववो गोसोआव सानखांना लानाय 7 खौ दानस 'योब्ला 3 मोनगोन। मख'जाथावदि, जेसेबां खेब सानगोन फिन्नायाव बे 3 खौनो मोनगोन। □

## नेरसोन

समायना बुहुमनि महर मुस्रि, हाजो-हाला, बिफां-लाइफां, जिबिनि नेरसोन। आरो नुस हायै लैथो-लैथोमा, बिनो जादों मुलुगनि नेरसोन। सानथ्रहायै जिउ-जिबि उजिदों, दानायनि बिदै आरो बेगें हारानि नेरसोन। लंथायखुलि आरो अन्थायनि मुगा, महरै दानाय जारिमिन माइथायनि नेरसोन। अजन्त (लंरा) हाजो खंखरनि, अन्थाय गोरोबथाव मुसुखा नेरसोन। सानथ्रहायै सुबुंनि बुहुमाव आगान गोगलैदों सुबुं सोदोमस्रिनि रोंगौथिनि नेरसोन। दावबायनाय दिछानि जिउनि दावहा, थालाडो बुहुमनि सायाव नेरसोन। राजखान्थिनि आरो समाजखान्थिनि दोहोराम खान्थिनि नेरसोन। बोहैनाय सम बोहैनाय दावहायाव जायो? बुहुम बिखायाव उजिनाय नेरसोन। बुहुमाव नुनाय जयै थानाय बुहुम बिखानि नेरसोन।

मुस्रि नेरसोन बसुमतारि  
गामि: 12 नं मालिगाव भुमका  
ला:सो: बिसमुनि  
जिल्ला: कक्राझार बिटिआर

## बिबार

बिबार, बिबार मानो बारो नों बिबार? सानसे सानैनिल' सम लानानै। मिथिगा बिखायाव थारैनो नों गेवलां-गेवथां, समायना-रमायना बारनाने नों बिबार। बेसेबां समाय होदों नों जोंनि मुलुग संसारखौ। गोमो-गोथां, गोजा, गुफुर गलाफ बायदि गाबनि नोंनि महरा। थारैनो नों बेसेबां हाइना गोनां समायना-रमायना बिबार। जेबोला नों गावदां बिबारा गेवलां-गेवथां बारफुनानै थायो अबोला नोंखो बयबो खानो लुबैयो। गोसो जायो नोंखो बयबो गोबां बिखायाव बोजबनानै लानो। नोंखौ नुब्लानो थानो हाया फागला जायो बेरे सिखिरिफोराबो नोंनि गोदै बिदै सोबनो, उदां अखोरानि बिखा सा-सा बिरबायनो बिबाराव बानानै थानो। नाथाय मानो नों बिबार दसे समनि थाखायल' फैमालनि भावथिना गेले लाडे। नोंनि बे हाइना गोनां बारफुनाय गावदां महराबो बोथोर सफैब्लानो हासिडे सिरियैनो ज्रय सिरिलाडे बे बिमा बैसोमुथिखौ गोबानानैनो। □

मुस्रि बोहैथि बसुमतारि  
गामि: गयवारि  
जिल्ला: कक्राझार

# रंजालि गथ' फोरनि सौरा फोथायथि

गावबागाव फोथायथि

दं? सोलोंसा लोगोफोर,

जायहा गावबागाव फोथायथि

थानाय जाफुडे इयुननि थोखि।

हाबा मावनायनि सिगां सांघां

फिथायनि थाखाय गाबनि फोथायथि,

मोनजानायनि सिगां नाजानायनि

देरहानायनि सिगां फोथायथि।

जिउआव देरहानाने उथ्रिसारनो

हायो जुदि नों फोथायथि थायो,

नाथाय देरहानायनि सिगां जेन्नायनि सिगां

जुदि फोथायथि गैखायाब्ला।

आरोबाव,

देरहायाबालानो जेन्नायनि

फोथायथि थाखानायनि...।

देरहायो गावबा-गाबनि थोखि

फोथायथि।

मुस्रि उत्तम कुंगुर नाजारी

गामि: बेलगुरि

ला:सो: आप्लागाव

## हागोन दा आं?

महात्मा, चीलाराय, देतसुं, आरो कनकलता-

आरोबाव जोबनो गैयै मुख्खंफोर,

गोमालांबाय नोंसोरो नाथाय दाबोनो

रोखा नोंसोरनि महर आरो मुं;

आंबो जानो लुबैयो मुख्खं।

खालाम लांनो लुबैयो आं;

जिउआव माबा मोनसे.....

नेरसोन गालांनो हानायनि;

मोनसे मुंदांखा खामफा लुनानै,

आंनि मुं, आरो आंनि गोसो-

आरोबाव रेबगनजों लिरलांनय,

माखासे सनानि हाखोजों रोखायै।

मोजां मोन्नायनि जारिमिनखौबो

हागोनदा आं गालांनो?

डान्ते-बियेट्रिछ, लयला- मजनु,

आरोबाव सविती-सत्यबानबादि!

नाथाय.....

हागोन दा आं बे बुहुम बिखायाव थानाने?

बे थिफिलं जिउखौ लानानै,

बे लोरबां सोलोंथायखौ लानानै,

हागोनखि हाया, मोनगोन ना मोना

गोसोआव.....

हागोनबो खोमा आं

सोरिनिबा थुलुंगानाय मोन्नाय मोनब्ला।

गोसो जायो थेवबो सोलु सोंनो

गेदेमाफोरनाव आरो इसोरनाव।

जेखियानो जाथों नाथाय-

आं दावगालांबाय थागोन,

जेब्लासिम आं थोखिआव सहेया,

सोलोंबाय थागोन आं,

जेब्लाहालागैसिम आं रोड।

आंनि खन्थाइनि फिन्नायखौ

जेब्लासिम आं मोनदाड।

हावरियाब्लाबो लागोन आं.....

सोलोंथाय-

मावलांगोन आं थादनाय नड,

जेब्लासिमलाग' आंनि थैया गुडुडै थागोन।

आंनि आखाय-आथिं सोलिजासे,

नाथाय गसाइ हागोनदा आं?

थरायना अन्जना देखि उपाध्याय  
गामि- नाराबारी, कक्राझार

## जिउ

जिउ नों मानो फैयो...?

आगोमा जिउ थसेखौ सोर हरो

आरो सोर लांफिनो

मोना मानो भुमाव अराय थावाय थानो।

बे संसाराव जिउ लाना उजिबायब्ला

मानसि महरखौ मोनबायब्ला

दुखु-दाहा सौसि बायदों

खैफोज-आफोद उथ्रिदों।

अखांमायाव गोजों हाथरखि नागिरदों

नाथाय मावनांगौ बिबानखौ दंना गैया बिजिरा

थान्देल नों जिउआ सुबुनि

आखान्थि गोहो गोरा सोरजि गिरिनि।

बिथानि गेलेहोनाय लिला जॉनि सायाव

आनलेट मुनुसुआ मोन्दानो बबाव।

मुस्रि प्रकाश दैमारि  
मैनागुरि

## रावबो गैला आंहा

आंहा बे जोनोमाव

आयबो गैला, आफाबो गैला,

मुगै जानाय आं सासे

मावरिया गथ' जानांबाय।

आनि-थानि गोदाव सोराव

जानांबाय आं हारसिडे

सोर अननो सोर आय होनो

बे जोनोमाव गाव गावखौल'

नायसै थाना थानायव।

रावबो अनसायग्रा गैया

दोनै आंखौ,

जेबो बुजिया आं जेबो मिथिया

जेखौ थिनो बेखौ मावयो आं।

आं सासे उन्दै गथ'

गोसो गोबॉनि दुखुनि मोदैया गयो

रथ'-रथ' आंनि जिउआव।

मुस्रि थनिजा ब्रह्म

गामि: डालवाबारी

## गोमा लांबाय

गोमा लांबाय

बर'नि राव थुनलाइ

हारिमु, आसार खान्थि।

बबेआव दं बावो?

बर'नि राव थुनलाइ

हारिमु, आसार खान्थि।

जेरावबो गैलिया

बर'नि राव थुनलाइ

हारिमु आसार खान्थि।

गोमा लांबाय बर'नि

खेराय मोसानाय, माइनाव आर्जिनाय

बर'नि रासखान्थि, राजथावनि

गाबैसो गोमाजोब्याय।

बबेआव नागिरनाने

मोनफिनो जों

बर' हारिआ खौसे गैयाब्ला।

सनजय बसुमतारि

गामि: जोंमापुरि

ला:सो: रन्साइधाम

जिल्ला: चिरां



# सालमान खान आरु आयुष शर्मानि सावथुन अन्तिमखौ नुनो मोनसिगोन

बलिउडनि फावखुंगुर सलमान खान आरु आयुष शर्मानि रिलिज जानो गोनां सावथुन अन्तिम : दा फाइनाल टूथखौ फेन्सफोरा गोसो होसारनानै नेना दड। थानाय माखासे समाव सावथुननि पस्टरफोरा रिलिज जादों, जायखौ फेन्सफोरा गोबां मोजां मोन्दों। बेनि गेजेराव आधिखालाव अन्तिम : दा फाइनाल टूथनि ट्रेलरआ रिलिज जाबाय जायखौ नुनाय लोगो लोगोनो ट्रेन्ड खालामदों। अन्तिम : दा फाइनाल टूथ आव सलमान खानखौ सासे सरदारनि फावआव नुनो मोन्दों, जाय



पुलिसनि साखि मावो। सलमाननि फावखौ गोबां कुल आरु सोलो गोरों नुनो मोन्दों। फार्सेथि आयुष शर्माखौ

सावथुनआव भिलेननि फावआव नुनो मोन्दों। सावथुननि ट्रेलरआव सलमान खानखौ सर्तनेस जानानै एक्सनबो खालामनाय नुनो मोन्दों। सावथुननि ट्रेलरआ गोमोथाव एक्सनखौ नुनो

मोन्दोंब्ला गुबुन फार्सेथि सलमानखौ दोहौ गोनां डायलगबो होनाय नुनो मोन्दों। सावथुनआव सलमान आरु आयुषजों लोगोसेनो महिमा मकबानाखौबो नुनो मोनगोन। मख'नो गोनांदि, सावथुनखौ

महेश मान्जेकरआ बिथोन होदों जाय बेनि सिगांबो सलमान खानजों लोगोसे हिट सावथुनखौ होखांबाय। बेबायदियाव नायगिरिफोर आशा खालामदोंदि बे सावथुनआवबो बिसोर सानैखौ दोहौ सोमजिहोनाय नुनो मोनगोन। सलमान खाननि रिलिज जानो गोनां सावथुनफोरनि बाश्राखौ बुडेब्ला अन्तिम दा फाइनाल टूथजों लोगोसेनो बिनियाव किक 2 आरु यइगार 3 बो दंफादेरो। फार्सेथि सलमानखौ भाइजानआवबो नुनो मोनगोन, जायनि गिबि मुड कभी इद कभी दिवालीमोन। बेजों लोगोसेनो सलमान खानआ आधिखालाव बिग बस 15 खौबो हस्ट खालामदों।

## दासिम लोगो गैयै जानानै दड सनाक्षी सिन्हाआ



बलीउड फावखुंगुरि सनाक्षी सिन्हाया बावैसो समाव कमेडी नाइट विद कापिल शर्माआव गावनि आइडल मेननि सायाव मा हास्थायो बेनि सोमोन्दै फोरमायदों। सनाक्षीआ श्व'आव जर'खा आलासि महरै थानैमोन जेराव बिनियाव बिनिलिशनसिप स्टेयसनि सोमोन्दै सोनाय जादों। फिन्नायाव बियो बुंदोंदि, गाव दासिमबो हारसिडे दड। लोगोसे सनाक्षीआ गावनि सिमानि होवानि सोमोन्दै फोरमायदों। बियो बुंदोंदि, गाव सोरबा एरैबायदि सुबुंखौ नागिरासिनो दड, जाय बिबान गोनां, गोजां आरु गोसो मोजां जायो। सनाक्षीआ श्व'आव सासे नख'र फुर जानाय आइजोनि बाश्राबो बुंदों। बियो फोरमायदोंदि, गाव-गावनि गारिबो रां आरजिनायखौ नख'रनो होयो। लोगोसेनो बियो बेखौबो बुंदोंदि, गावनि बिमा-बिफाया गावनि थाखाय गोबां गोनांथि होयो। माखासे सम सिगां मोनसे इन्टरभउआव सनाक्षीआ फोरमायदोंमोनदि, जेब्ला बियो स्कुलआव फरायोमोन अब्ला गावनियाव मोनसे मोजां रिलेशनसिफ दडमोन, नाथाय ग्रेजुएट जानाय लोगो-लोगोनो बियो होवाखौ नागरदों। सनाक्षीआ फोरमायबावदोंमोन, गाव जेब्ला 21 एबा 22 बोसोरनि जागोन अब्ला गावनि गिबि सीरियास रिलेशनसिफआ जागायगोन होन्ना हमदांदोंमोन। सनाक्षीनि केरियारनि बाश्राखौ बुडेब्ला सलमान खाननि अपजिट दाबंगजों दोहौ गोनाडे बलीउड डेब्यु खालामनायनि उनाव सनाक्षीखौ रउडी रावैर, दबंग-2, लुटेय, बुलेट रजा, हलिडे, तेवर, अकीर, कलंक, खानादानी शाफाखाना, दबंग-3, मिशन मंगल बायदि सावथुनफोराव नुनो मोनखांबाय।

## गोथै सहनि बदलै रबिना टेन्डनखौ बिहरनायनि हेंथायै बे मिसाइलखौ पाकिस्तानाव गावहरदोंमोन

आखियो से गोली मारे आरु तु चीज बड़ी हे मस्त बायदि हित देखोफोरजों सुबुंफोरनि गोसोखौ बोनों हनाय रबिना टेन्डनआ दिने 47 बोसोर बैसोनि जाबाय। फावखुंगुरि मुड 90 जौथायनि बयनिखुडबो समायना आरु टेलेन्टेड फावखुंगुरि फोरनि गेजेराव दंफादेरो। हिट सावथुनफोरखौ होनाय रबिनाया भारतीयफोरजों लोगोसे पाकिस्तानखौबो औरैबायदि मोजां मोनहोदोंदि, बिसोरो भारतीय जवानफोरनि गोथै सह'नि सोलायो रबिनाखौ दाबिखालाम दोंमोन। 1999 आव जानाय कार्गिल दावहा समाव माखासे भारतीय सान्थि फोरा मुख्लं जादोंमोन। जेब्ला भारतीय सान्थिफोर पाकिस्ताननि सान्थि हान्जाफोरनाव बिसोरनि गोथै सह'खौ बियो अब्ला बिसोरो रबिना टेन्डन आरु माधुरी दीक्षितखौ दैथाय हर अब्लासो जों गोथै सह'खौ हरगोन होन्ना फिन्नाय होदोंमोन। पाकिस्ताननि सान्थि हान्जाफोरनि बे दाबि खालामनाया उन्दै बायदि आखु दिन्थिनाय



जादोंमोन, नाथाय बेयो रबिनानि मुदांखा जानायनि मोनसे फिसा नमुनामोन। सान्थि हान्जाफोरनि अनगायै जेब्ला पाकिस्ताननि बारस'सिएम नवाज शरीफआ रबिनानि थाखाय गावनि मोजां मोन्यायखौ फोरमायो अब्ला इन्डियान एयारफर्सआ बे बाश्रानि गोबां मुलाफ्माखौ जादों। कार्गिल दावहाआव एयारफर्सनि गेजेरजों पाकिस्तानआव मोनसे मिसाइलखौ गावहरदोंमोन। भारतीय सान्थि हान्जानि बे साबसिन ट्रेल्लं ले भेलखौ दिनेसिमबो गोसोखानाय जायो। थानाय बोसोरा रबिनाया ससियेल मिडिया एकाउन्टनि

गेजेरजों गावनि सासे फेनखौ गोसोखादोंमोन। बे सुबुंआ रबिनाखौ औरैबायदि मोजां मोन मोनदि बियो गावनि बिखायाव गिदिर गिदिर हांखोजों रबिनाया आनि भगवान होन्ना लिरना लादोंमोन। फावखुंगुरि या मोनसे इभेन्टआव सौहैदोंमोन, जेराव थानाय 24 घन्टसिम गलाव बिबार लानानै बिनि बे फेनआ बिखौ नेबाय थादोंमोन। जेब्ला रबिनाया बे बाश्राखौ खोनानानै बेवहाय सौहैयो अब्ला बे सुबुंआ गावनि मोदैखौ हमथानो हायाखौमोन।

# गाहाम देहानि राहा

## संपलखौ गोख्रोडै लाखिनो थाखाय बे मोन 6 बाश्राखौ गोसोयाव लाखिनांगोन

मेगन, खोमा, हाथाइ, बिखा, संपल आरु किडनि बायदिफोरा जॉनि देहानि गासै पार्ट फोरानो जोबोद गाहाय आरु जॉनि देहायाव बे गासैनिबो गावबा गावनि जर'खा रल थायो। बेनिखायनो देहानि गासैखौबो जोथोनै लाखिनाया जोबोद गोनां, जर'खायै संपलफोरखौ। आधिखालाव फ्लुनि बोथोराव संपलयाव इनफेक्सन जानाया सरसन्ना बाश्रा। लोगोसे करना भाइरासआबो संपलफोरनि सायावनो एटेक खालामो। बेराफार्से दिल्ली आरु खाथि खालानि ओन्सोलफोराव लाश्रियै आबहावा गुबुंले जानाया बारायबाय थायो। जायनि जाहोनाव संपलफोरखौ गाहामै लाखिनाया सिगांनिफ्रायबो बांसिन गोनां जाना फैबाय। संपलफोरखौ गाहामै लाखिनो थाखाय जों गाहायनि हुदाफोरखौ आजानवा लानांगोन।



सम स्ट्रेसआव फैनानै फेसननि थाखाय स्मक खालामो। बेजों दसे सम मोजां मोननो हागौ, नाथाय बेजों संपलयाव गोहोम गोगलैनो हागौ। लोगोसे बेजों गासै देहानि एनाजि लेभेलआ जोबानानै थाडो। बेनि अनगायैबो जुदि नों सोरबा स्मक खालामग्रा सुबुंजों थाफायोब्लाबो बेजों नोंथाडबो ख'हा गोनां जानो हागौ। (3) जेब्ला बारहावाया गात्रि जायो अब्ला बाइजोयाव एक्साइसाइज खालामनो नाड। लामाफोराव गोसारनाय हाद्रिया संपलखौ ख'हा खालामनो हागौ। बेनि अनगायै कार फेक्ट्रीनिफ्राय ओंखारनाय उखुन्दै बायदिफोराबो। (4) बाइजोनि वारव नोंथाड कन्ट्रल खालामनो हाया। नाथाय नोंथाड न'सिनि वारहावाखौ कन्ट्रल खालामनो हागोन। बेनि थाखाय न'याव स्पाइडर प्लान्ट, मानि प्लान्ट, एलभेग आरु बस्टन फर्न्स बायदि

एन्टि पल्युसन बिफांफोर गायनांगौ। बेनि अनगायैबो एयार पिउरिफायरबो लागायनो हागोन। (5) बोथोर सोलायनायाव सम सम इनफेक्सन जायो, जेराव गगा-गुजुनाय, लोमजानाय, खर'सानाय बायदि लोक्षोन थायो बेबायदियाव रोंगथि गोनां डाक्टरनिफ्राय बोसोन लानांगौ। (6) संपलखौ गाहामै लाखिनो थाखाय ड। इ। ट। आ। व। ब। ओ। सोलायनांगौ। ब्रकली, फुलकपि, बान्दा कपि बायदि मैंगफोरा मेगन आरु संपलफोरखौ गाहामै लाखियो। बेनि अनगायैबो आनारस, आफेल आरु क मला बायदि फिथाइफोरखौबो जानांगौ। (नट : बेयाव होनाय खौरांखौ आजानवा लानायनि सिगां डाक्टरनि बोसोन लागो।)

## शर्लिन चप्राया शिल्पा शेट्टी-राज कुन्द्रानि 50 कौटि रांनि मानहानिनि फिन्नायखौ होदों

राज कुन्द्रानि पर्न भिडिय केसआव ग्रेप्टार जानायनि उननिफ्राय शर्लिन चप्राया लान्थियै खौराडव थादों। बियो शिल्पा शेट्टी आरु राज कुन्द्राखौ लानानै माखासे बिबुंथि होदोंमोन। जायनि जाहोनाव शिल्पा आरु राजनि फारसे बिन सायाव 50 कौटि रांनि मानहानिनि केस खालामनाय जादों। आधिखालाव बे केसआ शर्लिन चप्राया नटिसनि फिन्नाय होदों। बियो गावनि सशेल मिडिया एकाउन्टजों फिन्नायनि गिबि आरु जोबथा लेखा बिलाइखौ शेयार कालामदों। शर्लिनआ नटिसनि कपीजों लोगोसे दुइट खालामदोंदि, राज कुन्द्रा आरु शिल्पा शेट्टी कुन्द्रानि मानहानि नटिसनि फिन्नायाव आनि लीगेल टीमआ 23 अक्टूबर 2021 आव फिन्नायखौ



दैथायहरदों। बेवहाय आनि फिन्नायनि नटिसनि गिबि आरु जोबथा लेखा बिलाइ दड। बेजों लोगोसे शर्लिनआ मोनसेनि उनाव मोनसे माखासे दुइटफोरखौ शेयार खालामदों। गावनि मोनसे दुइटआव बियो मोनसे नटखौ शेयार खालामदों, जेराव लिरदों गोहो गोरानि ओंथिया गिथारै नडा, गोहो गोरानि ओंथिया बेसोदि सोरनिबा गोहोआ नोंखौ होबथानो हाया। शर्लिनआ

गावनि दुइटआव लिरबावदोंदि अजद होनायफोरनि क्रनल जीआ बेनो। 14 एप्रिलआव आं राज कुन्द्रानि हेंथायै जुहु फुलिस स्टेसनआव सोलेरारि गात्रि आखु दिन्थिनायनि अजद होदों। 19 एप्रिलआव राज कुन्द्राया आनि न'आव फैदों आरु आंखौ हुमखि होदों। बिसोरो आन्डार वर्ल्डनि मुं लानानै हुमखि होदों, थाखाइ अजद होनायखौ बोखांन लाफिनो।

## 'तारक मेहेता का उल्टा चश्मा'नि निधि भानुशालीआ बे सावगारिनि गेजेरजों हिडेन मेसेज हरदों

हिट श्व'' तारक मेहेता का उल्टा चश्मा'नि उन्दै फावखुंगुरफोरखौ सुबुंफोरा मोजां मोनो। नायगिरिफोरा बे गथ'फोरखौ उन्दैनिफ्राय देरनायखौ नुबोदों। श्व'नि बाहागो जाखांनय फावखुंगुरि निधि भानुशालि एबा गोजाम सनुखौ सुबुंफोरा गोबां मोजां मोनो। सम-सम बनि सावगारिफोर आरु भिडियआ भाइरेल जाबाय थायो। फावखुंगुरि आ सशेल मिडियाआव गोबां एक्टिभबो थायो। गावनि एडभेन्चर लाइफनि सावगारिफोरखौबो



बिनि फेन्सफोर बे सावगारिखौ नुनायनि उनाव थाबैनो बिसोरो मेसेजखौ दिहुन्दों। गोबां सुबुंफोरा सान्दों जानांगौदि, थारैनो निधिआ गावनि बे सावगारिनि गेजेरजों बेबायदि मा मेसेज होया? निधि भानुशालीआ गावनि लाहाख ट्रिपनि सावगारिखौ शेयार

खालामदों, जेराव बिनि दावबायग्रा लोगो आरु जर'खा लोगोखौ बिजों लोगोसे नुनो मोन्दों। बे सावगारिनि बेकग्राउन्डआव मोनसे लग'खौ नुनो मोन्दों। बे लग'आ इउटुबनि। बेजों रोखा जादोंदि, थाबैनो निधिआ गोदान हावाफारिखौ जागायसिगोन एबा

बियो थाबैनो गावनि इउटुव चेनेलखौ जागायसिगोन। बेवहाय बियो गावनि दावबायनाय जिउजों सोमोन्दों गोनां आपडेटखौ होगोन। मख'नो गोनांदि, निधि भानुशालीआ 'तारक मेहेता का उल्टा चश्मा'आव

आत्माराम भिडेनि फिसाजो सनालिका एबा सनुनि फाव ख। ल। म। म। म। न। आधिखालआव बे फावखौ पलक सिधवानीआ खालामो। निधि आरु पलकनि सिगां मेहेताया बे फावखौ खालामदोंमोन।

## टिभि सिरियाल अनुपमायाव गिदिर दुइस्टखौ नुनो मोनसिगोन

टिभि सिरियाल अनुपमायाव मोनसे गिदिर दुइस्टआ फेसिगोन। अनुपमानि जिउआ आधिखालाव आबुडै सोलायदों। गोदान फावनि एन्ट्रि जानायजों अनुपमानि जिउआ गोदानै मोजां जानो जागायबाय। आधिखालाव बे सोंथिया सिखादोंदि, अनुपमानि फेनो गोनां एपिसडआव रमान्टिक आबुखौ नुनो मोनगोन नामा? अनुज आरु



अनुपमानि खाथिनि सोमोन्दो लाखिनायखौ होबथाग्राया गोबां

एपिसडफोराव बयनिखुडबो देरसिन दुइस्टखौ नुनो मोनगोन। अनुज-अनुपमानि सल'आ आबुडै सोलायगोन। अनुपमानि जिउआ आधिखालआव आलादा ट्रेकआव आवगय लांसिगोन। बनराजआ अनुपमानि सायाव रगा जोडे, नाथाय अनुपमाया बिखौ नुबाबो नुयैबायदि खालामनानै खोमायाव इयारसलग लागायदों। बनराजआ

बेखौ नुनानै गोमोगोन। अनुपमाया सोंखारिनानै बिखौ भइस नट दैथायहरनो खावलायगोन आरु अनुपमाया बेखौ बुंनानै थंगोन नाथाय बनराजआ आवगयनानै बनि आखायखौ गोखों हमथागोन। समरआ आवगयबोनानै गोलेहो जानाय बनराजखौ सामलायगोन। बा-काब्याआ बेखौ नुनानै गोमोगोन।

# भारतआव सोलौंथाय लानाय सा 150 सान्थिफोर 24 घन्टानि गेजेराव 12 रोजा एक्टिभ आफगानिस्तानाव थांफिन्नानै तालिबाननि हाबा मावगोन केस: लासैयै बाडाय जाबोनो हमदों

**गोदान दिल्ली, 26 अक्टूबर:** भारतआरि सान्थि एकाडेमिफोर आरो फसंथानफोरव ट्रेनिं लाबाय थानाय आफगानिस्ताननि गासै सा 150 सान्थिफोरि अफिसार आरो जवानफोरा थाबैनी गावसोरनि हादतआव थांफिन्नो हासिगौ। मानोना बिसोरनि ट्रेनिंआ आबुं जासिगोन। बेनि उनाव बिसोर आ फ गानिस्तान आव थांफिन्नानागोन आरो बे अफिसारफोर तालिबान खुंथाय आफगानिस्ताननि सान्थिफोर गावसोरनि सिबिथायखौ होनांगोन। मख'नो गोनांदि, जेब्ला बे सान्थिफोरा ट्रेनिंनि थाखाय फैदोमोन अब्ला बेयाव सुबुंतन्त्र सरकारमोन। नाथाय थांफिन्नानै बिसोर तालिबाननि सरकारजों लोगोसे खामानि मावनांगोन। सुलुंनि बायदिव्ला आफगानिस्ताननि सान्थिफोरबो तालिबाननि खाथियाव गावसोरखौ गथायदोमोन।



सुलुंनि बायदिव्ला, भारतआव ट्रेनिं लाफैनाय सान्थिफोरनि गेजेराव माखासे आइजो बिबानगिरिफोरबो दंफायो। इन्डियान मिलिट्रि एकाडेमी (आइएमए) देगदुन, अफिसारस ट्रेनिं एकाडेमि (एएटि) चेन्नाइ आरो नेसनेल डिफेन्स एकाडेमी पुणेयाव बिबानगिरिफोर ट्रेनिं लागसिनो दड आरो सान्थिफोरनि ट्रेनिंआ आलादा-आलादा मिरुफोरव सोलिगासिनो दड। गासै ट्रेनिं होनायनि हाबाफारिफोरनि समा आलादा-आलादा। बेनिखायनो माखासेनि ट्रेनिं लानाया आबुं जाबाय आरो माखासेना दासिमबो आबुं जायाखै। भारतनि फारसेनिफ्राय केपिसिटि बिल्डिं हाबाफारिनि गेजेरजों आफगानिस्ताननि सान्थिफोरनो गोदान मुगानि ट्रेनिं होनायखौ जागायदोमोन। बे हाबाफारिया थांनाय 20 बोसोरनि फायनो सोलिबोगासिनो दडमोन। आफगानि अनगायै माखासे गुबुन हादतफोरनि सान्थिफोरि अफिसारफोरबो गुबुन गुबुन हाबाफारिफोरनि गेजेरजों भारतआव ट्रेनिं लानो फैयो। बे रोखोमैनी भारतनि अनगायै माखासे गुबुन हादतफोरवबो आफगानि सान्थिफोरि अफिसारफोरा ट्रेनिं लानो थांदोमोन।

**गोदान दिल्ली, 26 अक्टूबर** : करनानि दोहौया गासै हादत नाडैनि आथिखालाव खम जालांनो हमबाय। थांनाय 24 घन्टानि गेजेराव करनानि 12,428 केसा नुजाथियो। बेनि अनगायैबो हादतआव एक्टिभ केसफोरनि अन्जिमायाबो 2 लाखनिखुइ गाहायाव फैयो। बेफोरनि गेजेराव फोरबो बोथोर फैनायखौ नोजोर होनानै जर'खागिरिफोरा करना प्रकलखौ गोखोडैफालिनायनि सांग्रंथि होयो। बेराफारसै करनाजों थैनायफोरनि बाथ्राखौ बुडोब्ला, थांनाय 24 घन्टानि गेजेराव करनाजों सा 366 सुबुंफोर थैयो। नाथाय रेहायनि बाथ्राया बेनी दि, जेसेबां सुबुंफोरा करनाजों इनफेक्सन जागासिनो दडबेनिखुइ बांसिन सुबुंफोरा करनानिफ्राय गाहाम जागासिनो दड। थांनाय 24 घन्टानि गेजेराव सा 15,051 सुबुंफोरा कभिड-19 निफ्राय गाहाम



जाफिनबाय। भारतआव एक्टिभ केसफोरनि अन्जिमायाबो लान्थियै खमाय गासिनो दड। आथिखालाव हादतआव एक्टिभ केसफोरनि अन्जिमाया 1,63,816। बेनि अनगायै गासै 3,35,83,318 सुबुंफोरा करनानिफ्राय गाहाम जाफिनबाय। हादत नाडै करना केसफोरखौ सिनायथिनो थाखाय टेस्टिआबो सोलिगासिनो दड; जायनि गेजेरजों दासिमाव 60.19 कौटि टेस्ट खालामखांबाय। हादतनि सुबुंफोरखौ रैखाथि होनो थाखाय भारतआव गोबां अन्जिमानि करना टिका थुनाय हाबाफारिखौ सालायगासिनो दड। जायनि गेजेरजों दासिमाव गासै 102.04 कौटि टिका थुखांबाय।

## आफगानिस्तानखौ दाफामनायाव तालिबानखौ मदत होलांगोन चीनआ

**गोदान दिल्ली, 26 अक्टूबर** : काबुलनि सायाव तालिबाननि दखल खालामनायनि उननिफ्रायनो चीनआ आफगानिस्तानआव मोन्नाय खाबुखौ आबुडै आजावना लानो सानो। चीननि दैदेनगिरिफोर आरोबाव खेबसेयै तालिबाननि थान्दै आफादजों लोगो ह्यो। अदेबानि चीननि गुबुन हादतयारि मन्थि वां यी दहायाव आफगानि गावजों समान बिबानगिरि अमिर खानजों लोगो हमगोन। बिनि सिगां वां डिपुटि पिएम मुल्ला बरदरजोंबो लोगो ह्यो। चीनआ



आफगानिस्ताननि गोदान दैदेनगिरिफोरनि हेंथायै आमेरिकानि होबथानायफोरखौ बोखारफिनो दाबि दैखाडो। चीनआ आफगानिस्ताननि गात्रि रंखास्थिनि थासारिखौ नोजोर होनानै बिसोर आफगानिस्तानखौ

दाफिन्नायाव मदत खालामनो थियारि होना बुडो। मख'नो गोनांदि, चीननि गुबुन हादतयारि मन्थि वां यीआ थांनाय 25 अक्टूबरव कतरनि दहायाव तालिबाननि मोनसे थान्दै आफादखौ बेइजिं आरो तालिबाननि गेजेराव गिबि गोजौ थाखनि जथुमानि समाव बे बाथ्राखौ बुडो। चीननि सरकारि निउज एजेन्सि शिन्हुआनि बायदिव्ला वांआ बुजेदि, हारिसायारि हारिफोर तालिबानजों गाहाम आखु दिन्थिनानै खामानि मावनांगौ। बेनि सोमोन्दै तालिबाननि बुंथिगिरि जबीउल्लाह मुजाहिदआ टिट्ट खालामना बुजेदि, आफगानिस्तान आरो चीनआ माखासे मख'जाथाव राजखान्थि, रंखास्थि आरो गुबुन आयदाफोरनि सायाव सावरायगासिनो दड।

## पाकिस्ताननि देरहानायाव रंजानायनि दायव फरायसाफोरनि हेंथायै पुलिसआ केस थिसन्दों

**श्रीनगर, 26 अक्टूबर:** इउएआव जानाय टि-20 वर्ल्ड कापआव भारतनि हेंथायै पाकिस्ताननि देरहानायखौ लानानै रंजा-बाजा खालामनायनि दायव फरायसाफोरनि अनगायैबो कलेज मेनेजमेन्टनि सायाव पुलिसआ मोनै केस थिसन्दों। श्रीनगर पुलिसआ एसकेआइएमएस मेडिकेल कलेज आरो जिएमसिनि फरायसाफोरनि हेंथायाव इउएए आरो आइपिसिनि धारा (आर्टिकल) फोरनि गेजेरजों मिडियाआव भाइरल जानायनि उनाव बिसोरनि सायाव केस थिसनो। इउएएफिनि धाराफोरनि गेजेरजों सोरबा फरायसाया एस्ट खालामजायब्ला जामिन मोनो गोबाव जायो। बे धाराजों सोमोन्दो थानाय आयेननि थांखिया उतखारिफोरनि



आयेनारि बेरेखा हाबा मावनायखौ होबथानायजों सोमोन्दो गोनं। बे आयेननि गेजेरजों पुलिसफोर उतखारि,

क्रिमिनेल (दायनिगिरि) एबा उतखारिजों सोमोन्दो थानाय सुबुंफोरखौ एरेस्ट खालामो। मख'नो गोनांदि, दुबाइनि इन्टारनेसनेल स्टेडियामआव उइकेटजों फेजेनो हादोंमोन। भारतआ टसाव जेन्नायजों गिबियै बेटिं खालामनानै 20 अभावाव सा 7 उइकेट खोमानायजों 151 रान लानो हादोंमोन। 152 राननि

देरहानाय थांखियाव ओंखारनाय पाकिस्ताननि टीमआ 18 अभावावो देरहानाय रानसिम सौहैनी हादोंमोन। टीमनि जानानै महम्मद रिजवानआ 55 बलाव 79 रान आरो बाबर आजमआ 52 बलाव 68 रान लानायजों टीमनिफ्राय उइकेट खोमानाडाजासे गोरलैयोनो देरहानो हादोंमोन।

## सिमनायाव चीना सान्थिनि पेट्रलिं होनाया बांसिननो हमंदों

**गोदान दिल्ली, 26 अक्टूबर:** फारसेथिं भारतआ सिमानि जेनाखौ सुखानो नाजागासिनो, गुबुन फारसेथिं चीनआ गावसिनि गात्रि आखुखौ दिन्थिनानै जेनाखौ बांहोगासिनो। चीननि पि एल एआ थांनाय बोसोराव लाहाख सेक्टरआव भारतजों दावराव-

दावसि जानायनि उनाव अरुणाचल प्रदेशनि जेना गोनं जायगाफोराव पेट्रलिंखौ गोख्रौसिन खालामदों। खौरं मोन्नाय बादिव्ला चीननि पि एल एआ सान्थिनि हाबाफारिफोरखौ नोजोर लाखिनो थाखाय जेना गोनं ओन्सोलफोरव सान्थिनि गागि बिबानगिरिफोरनि



दावबायहैनायखौ बांसिन खालामदों आरो गोदाने थिसन्याय सान्थिफोरखौ नोजोर लाखिनाय आरो बिसोरनि आरिएन्टेसननि थाखाय ओन्सोलाव एरिया डमिनेशन पेट्रलिंखौ गोख्रौसिन खालामदों। सा-सान्जा

सिमनायाव भारतीय सान्थिआ पि एलएनि बांहोनाय हाबाफारिखौ मिथिनो हादों, जेराव लुं'ला, जिमीथां आरो बुम लायाबो दंफायो, जायफोरा सान्जा ओन्सोलआव चीननि गागलोबबाय थानायनि जारिमिनारि दं। बै ओन्सोलआव थिसनजानाय बिबानगिरिफोरनि बादिव्ला अरुणाचल प्रदेश सेन्टरआव एलएसिआव फारसैथिंजायबो गोजान जान्थायाव पेट्रलिं

खालामनाय समय सिमाया 1-4 सप्ताहसिम जायो। भारतीय सान्थिनि मोनसे हाबाफारि मेट्रिक्स श्व'नि अन्जिमा बादिव्ला, सान्जा लाहाखआव दावराव-दावसिनि उननिफ्राय बैफोर जायगायाव सान्थिनि पेट्रलिं खालामनाया बांसिन जादों। 2018-19 आव बे पेट्रलिं केम्पनि अन्जिमाया मोन 10 आरो 2020-21 आव बेयो मोन 35 जादों।

## आर्यन खाननि जामिननि आर'जनि सायाव बम्बे हाइकर्टआव हेयारि होबाय

**सावथुन फावखुंगुर** शाहरख खाननि फिसाज्ला आर्यननि जामिननि आर'जलाइआव दिने बम्बे हाइकर्टआव हेयारि होदों। बेनि गेजेराव एनसिबिआ अनन्या पाण्डे आरो आर्यन खाननिआव बिनि हवाटसएपआव ड्रामसखौ लानानै सावरायनायनि सायाव सोंथि सोंदों। रिपर्टनि बायदिव्ला हवाटसएप चेटआव बिसोर सानैआ ड्रामस बायनायनि सायाव सावरायदोंमोन। आर्यन खानआ जंखानाय राव गावनि लोगोफोरखौ हुमखि होदोंदि, बियो एनसिबियाव बिसोरनि हेंथायै नायबिजिर होगोन। एनसिबिआ आथिखालाव बे चेटखौ बिसोर सानैनियाव सोंथि सोंनो थाखाय बाहायदों। आर्यन खानआ आथिखालाव आर्थ रड जोबथेसालियाव दड गुबुन



फारसेथिं एनसिबिआ अनन्या पाण्डेनियाव नै राउन्डनि सोंथि सोंदों। इडिया टुडे टिभिआ बिसोर सानैनि हवाटसएपआव ड्रामसखौ लानानै सावरायनाय चेटनि खौरंखौ मोन्दों। हवाटसएप चेटआव आर्यन खानआ अचित कुमारजों ड्रामस बायनायनि बाथ्रा सावरायदों। आर्यन खानआ अचित कुमारनियाव गासै 80,000 रंनि ड्रामस बिहरदोंमोन। आर्यन खाननि फननिफ्राय बोखौनो हानाय हवाटसएप डाटया सानै गुबुन सुबुंफोरजों लोगोसे ड्रामसखौ लानानै गुप चेटखौबो नुनो मोन्दों। एनसिबिनाव अनन्या पाण्डेनि अनगायै सा 3 गुबुन सेलिब्रिटि किडसजों लोगोसे आर्यन खानि चेटनि खौरं दड। एनसिबिआ मोनथिनो मोन्दोंदि, माखासे ड्रामस पेडलार आरो साप्लायापफोर दड, जाय गावसोरनि अपारेसनखौ गुवार खालामदों आरो बलिउड, ग्लेमार्नि मुलुगआव हाबनो नाजादों।

**ट्विलिस, 26 अक्टूबर:** गोबां सुबुंफोरानो "सानै गथ'आनो थोजासे" होन्ना बाथ्राखौ गनायो। नाथाय जर्जियानि थागिबि क्रिस्टीना अजटार्क आ बे बाथ्राखौ गनायना लाया। बिनिखायनो 24 बोसोर बैसोनि क्रिस्टीना सा 21 गथ'फोरनि बिमा जादों। गावनि सा 21 उन्दै गथ'फोरखौ सामलायनो एबा खानो थाखाय बियो सा 16 रुवाथिफोरखौ लायो। बिसोरनो दानफ्रोमबो बेथन हरनायाव क्रिस्टीनानि फिसायआ गोबां रं बाहायनांगौ जायो। खौरंनि बादिव्ला, क्रिस्टीना अजटार्क आ जर्जियानि कारडुपनि गैलीपनि अन्जालि बिसि। बिसोर सानै

बिसि-फिसाइ थांनाय बोसोर 2020 नि मार्च दाननिफ्राय सोलिफु बोसोरनि जुलाइ दानसिमनि गेजेराव सारगेटनि गेजेरजों बिमा-बिफा जानायाव 142,000 पाउन्ड एबा भारतनि रंआव 1,40,78,156 रं खरसा खालामदों। बिसोरनि बुंनाय बादिव्ला, गावसोरनि रंखास्थि आरजिथायजों बै रंजानाया एबा सुखु गोजोनखौ मोनो हादों। रासियानि क्रिस्टीनाया गावनि न'आव लाखिनाय सा 16 रुवाथिफोरनि सायाव बोसोरफ्रोमबो 96,000 डलार एबा 72,08,265 रं खरसा खालामो। बिसोरनो जेब्लायबो सान-हर क्रिस्टीनानि न'आव थानानै उन्दैफोरखौ जोथोन



लायो आरो बिसोर नख'रआव गासै सा 23 उन्दै गथ'फोर दड, जायफोरा नख'रसेयावनो जयै थायो। क्रिस्टीनाया इनस्टाग्रामआव गावनि सानफ्रोमबो जिउ खुंनयनि सोमोन्दै मिथिहोयो। बिसोरखौ लाफानानै बिसोरनि प्लेटफर्मआव सा 160,000 उनसंगिरिफोर दड। बियो गावनि भिडियफोराव गावनि फिसाफोरनि जाग्रा संनाय आरो बिसोरजों गोलैना सम थांहोनायफोरखौ बांसिनै होयो।

## टी-20 वर्ल्ड कप 2021 नि पइन्ट टेबोलआव पाकिस्तान-भारतनिबो सिगां सारियाव फैनो हदों आफगानिस्तानआ

गोदान दिल्ली, 26 अक्टूबर: आईसिस टी-20 वर्ल्ड कपनि सुपार-12 राउन्डआव दासिमाव 5 खेब मेचआ गेलेजाबाय। ग्रुप-1 नि गासैबो टीमफोर खेबसेयै गावसोरनि मेचफोरखौ गेलेबाय आरो ग्रुप-2 नि टीमफोरनि गेजेराव दासिमबो 2 'खेबल' मेच गेलेजादों। ग्रुप-2 नि थाखोयाव 25 अक्टूबरखालि आफगानिस्तानआ स्कटलेन्डखौ 130 रनाव फेजेनो हानायजों ग्रुप थाखोयाव सिगांसिन जायगा आवग्रिनानै दड। थानाय 24 अक्टूबरार भारतखौ मोन 10 उइकेटजों फेजेनो हानाय पाकिस्ताननि टीमआ ग्रुप-2 नि थाखोयाव नैथि जायगा आवग्रिनानै दं। निउजिलेन्डआ दिने गिबियै गावसोरनि मेचआव मोजाडै



गेलेना दिन्थिफुनो नाजागोन। आफगानिस्तानआ नेट रनेरेटनि थाखोयाव बयनिबो जौसिनाव दं आरो पाकिस्तानआ नैथि जायगा आवग्रिदों। स्कटलेन्डआ ग्रुप-2

नि थाखोयाव गात्रिसिन नेट रनेरेटजों गाहायसिनथाराव दं। ग्रुप-1 नि थाखोयाव इलेन्ड, श्रीलंका आरो अस्ट्रेलियाआ खेबसेयै देरहानाय गावसोरनि

मुंखौ लाखिनो हदों। ग्रुप-1 नि नेट रनेरेटनि थाखोयाव इलेन्डआ गिबिसिन जायगा आवग्रिनो हदों। बेनि उनाव फारियै श्रीलंका आरो अस्ट्रेलिया।

## वर्ल्ड बक्सिंग सेम्पियनसिप: आकाश सांगवाना गिबि बादायलायनायाव देरहादों

बेलग्रेड, 26 अक्टूबर: भारतीय बक्सर आकाश सांगवाना (67 कि:ग्रा) आ एआइबिए मेन्स वर्ल्ड सेम्पियनसिपनि गिबि बादायलायनायाव देरहानाय मोन्दों। बिथाड तुकिनि फुरकान आदेमखौ 5-0 नि फारागाव माहारियासि सेम्पियन सांगवानानि इयुननि बादायनाया गिबि राउन्डआव जेनायजों मोगा-मोगि जानानाय जामाननि डेनियेल क्रट्टनि हेंथायै जुजिगोन। फुरकाननि हेंथायै जानाय मेचआव भारतनि गोखौ बक्सर आकाश सांगवाना जागायजेनाय मेचनिफ्रायनो गावनि गोहोखौ दिन्थिफुनो हायो आरो 5 पइन्टआव देरहानो हायो। बिनि सिगां भारतनि गुबुन गेलेगिरि



डेबिउटेन्ट रहित मर (57 कि:ग्रा) आव गोखोडै गेलेना दिन्थिफुनयजों इकवाडरनि गेलेगिरि जिन कैसेड'खौ 5-0 स्करनि फारागाव फेजेन्नानै भारतनिफ्राय गिबि

देरहासारनायखौ मोनो हायो। बिथानि उननि बादायनाया बरिन्या आरो हाजैगबिनानि हेंथायै जागोन। एसियान सेम्पियन सानजिट (92 कि:ग्रा) आ गिबि राउन्ड सचिन कुमारजों लोगोसे

जेनायजों मोगा-मोगि जानाडे। सचिननि उननि बादायनाया नैथि राउन्डआव फे गौ 30 अक्टूबरखालि आमेरिकानि रबि गन्जालेजनि हेंथायै बादायगोन। सानजिटनि उननि बादायनाया फेगौ 29 अक्टूबरार रसियानि आन्ड्रे स्टानस्किकनि हेंथायव जागोन। 5 खेब एसियान मेडेलिस्ट शिव थापा (63.5 कि:ग्रा) आ सासे गोखौ थाखोनि रंगैथि गोनां बक्सर। वर्ल्ड सेम्पियनसिपआव ब्रन्ज मेडल देरहानाय (2015) थापाया गावनि गेलेनाय केम्पेइनआव केनियानि भिक्टर अडियाम्ब नायादेरनि हेंथायै मोजाडै गेलेना दिन्थिफुनो नाजागोन। एसियान सिलभार मेडेलिस्ट दिपक कुमार (51 कि:ग्रा) आ थानाया बोसोराव स्टेनजा मेमरियेल दुर्गमेन्टआव मोजाडै दिन्थिफुनय बायदि काजाकिस्ताननि आजगत उसेनालिमनि हेंथायव गोखोडै दिन्थिफुनो नाजादों।

## फ्रान्स अपेन बादायलायनायाव भारतनि गोबां गेलेगिरिफोरा बाहागो लागोन

गोदान दिल्ली, 26 अक्टूबर: भारतनि खेबनै अलिम्पिक मेडल देरहासादगिरि पिभि सिन्धुआ फ्रान्स अपेन सुपार 750 बेडमिन्टन टुर्नामेन्टनि थाखाय थियारि जाबाय। थानाय सप्ताहआव डेनमार्क अपेननि बादायलायनायनि क्वाटारफाइनल मेचआव



सिन्धुआ करियानि गेलेगिरि एन सियनि आखाइयाव जेन्दोंमोन। 26 बोसोरनि हाइड्राबादन गेलेगिरि सिन्धुआ फ्रान्स अपेननि गिबि मेचखौ डेनमार्कनि जुलि दावाल जेखबसेननि हेंथायै गेलेगोन। लन्डन अलिम्पिकनि ब्रन्ज मेडल देरहागिरि साइना नेहवालआ आधिडव जोखोम

जानायनि जाहोनाव उबर कापनि फाइनालाव जेनादोंमोन, आरो उनाव बिथाड डेनमार्क अपेननि गिबि राउन्डआव जापाननि सायाखा टकाहासिन आखाइयाव जेनो। मेन्स सिंगेल्स बादायलायनायाव समिर बर्माआ थानाय सप्ताहनिफ्राय गावनि गोखौ गेलेनायखौ दिन्थिबोनों हादों। 25 बोसोरनि मध्य प्रदेशनि बे गेलेगिरिया वर्ल्ड नं 3 मासिन गेलेगिरि एन्डारस एन्टनसेनखौ सिंगेल्स मेचआव फेजेनो हादोंमोन, नाथाय

हान्थुनि जोखोम जानायनि जाहोनाव इन्डोनेसियानि गेलेगिरि टमि सुगियारटनि आखाइयाव जेनाइ लानाडे। किडामबि श्रीकान्तआ गावनि गिबि मेचखौ जापाननि वर्ल्ड नं 1 केनथ ममतानि हेंथायै गेलेगोन। गुबुन मेचफोराव भारतनि लकसिया सेनआ बि साइ प्रानितनि हेंथायै गेलेगोन जेराव भारतनि सानै गेलेगिरिफोरनि गेजेराव बादायनाय जागोन। आगुनि टप-10 मासिन गेलेगिरि एच एस प्रनयआ वर्ल्ड नं 4 सु टिन सेननि हेंथायै

गेलेगोन। सोख बर्माआ बाथि मासिन गेलेगिरि एन्थनि सिनिसुकानि हेंथायै गेलेगोन। थानाय सप्ताहआव आखाइनि जोखोम जानायनि जाहोनाव आखाय दैखानाय परुपाल्लि कासयाफआ गिबि राउन्डआव फ्रान्सनि गेलेगिरि ब्रिस लेभारडिसनि हेंथायै गेलेगोन। भारतनि वर्ल्ड नं 10 मेन्स डाबल्स गेलेगिरि साटबिक साइरास रनिकेदीआ आरो सिगग चेसीआ साइनिस् टइपेनि लि जि हुइ आरो यां प-हसुआननि हेंथायै गेलेगोन।

## अस्ट्रेलिया अपेनाव टप रेंकिनि नभाक जकभिचनि गेलेगोना रोखा नडा



केनबेरा, 26 अक्टूबर: 2022 माइथायनि जानुवारी दानाव खुंजानो गोनां अस्ट्रेलिया अपेन बादायलायनायाव भेक्सिन थुजायै गेलेगिरिफोरनि बाहागो लानो मोनगोना रोखा नडा। नभाक जकभिचआ थानाय बोसोरनि सेम्पियन आरो गुरवेव

अस्ट्रेलिया अपेन बिमुं देरहासादगिरिया खुंजानो गोनां बादायलायनायाव बाहागो लागोनखौ लानानै गोना-गोथोआव दं। 2020 माइथायनि जुन दानाव जकभिचखौ करना पजिटिभ मोन्नाय जादोंमोन जेराव बिथाड सारबिया आरो

माइथायनि अस्ट्रेलियान अपेनाव बाहागो लागो गेलेगिरिफोरखौबो एखे रोखोमैनो 14 साननि थाखाय क्वारेन्टाइनआव थानांगोनखौ मिजिंथिदों। मख 'जाथावदि, जकभिचआ दासिमबो गावनि करना भेक्सिन थुनायनि फोरमानलाइखौ सुबुंफोरनि गेजेराव मिथिहोयाखै, जायनि जाहोनाव बिथांखौ टेनिस फेन्सफोरा बिथानि बाहागो लागोनखौ मिजिंथिनाय जादोंब्लाबो मेच सामलायग्रा क मिटिनिफ्राय दासिमबो भेक्सिन थुनायनि फारसे रोखा फोरमार्थि होयाखै। अस्ट्रेलिया हादतनि नोगोररि नडै सुबुंफोय आधिखालाव अस्ट्रेलियाआव सौहैनानै 2 सप्ताहनि थाखाय क्वारेन्टाइनआव थानो गोनां जादों, बेजों लोगोसे 2022

माइथायनि अस्ट्रेलियान अपेनाव बाहागो लागो गेलेगिरिफोरखौबो एखे रोखोमैनो 14 साननि थाखाय क्वारेन्टाइनआव थानांगोनखौ मिजिंथिदों। मख 'जाथावदि, जकभिचआ दासिमबो गावनि करना भेक्सिन थुनायनि फोरमानलाइखौ सुबुंफोरनि गेजेराव मिथिहोयाखै, जायनि जाहोनाव बिथांखौ टेनिस फेन्सफोरा बिथानि बाहागो लागोनखौ मिजिंथिनाय जादोंब्लाबो मेच सामलायग्रा क मिटिनिफ्राय दासिमबो भेक्सिन थुनायनि फारसे रोखा फोरमार्थि होयाखै। अस्ट्रेलिया हादतनि नोगोररि नडै सुबुंफोय आधिखालाव अस्ट्रेलियाआव सौहैनानै 2 सप्ताहनि थाखाय क्वारेन्टाइनआव थानो गोनां जादों, बेजों लोगोसे 2022

## एन्डि मुरेआ इरस्ते बैंक अपेननि नैथि राउन्डआव

गोदान दिल्ली, 26 अक्टूबर: 14 दाननि उनाव एन्डि मुरेआ सासे टप-10 मासिन गेलेगिरि हुबार्ट हुखासखौ इरस्ते बैंक अपेननि गिबि राउन्डआव 6-4, 6-7, 6-3 स्करजों फेजेनो हायो। नैथि सेट टइब्रेकारनि मेच पइन्टखौ मुरेआ जेन्दोंब्लाबो जोबथा सेटनि गासै मेच पइन्टखौ मुरेआ लानो हानानै 2 घन्टा 40 मिनिटनि समजों मारिआ मेचखौ देरहानो हादोंमोन। 2020 माइथायनि आगस्ट दाननि उनाव ब्रिटेननि गेलेगिरि मुरेआ गिबि खेब सासे टप-10 मासिन गेजेराव थानाय गेलेगिरिखौ फेजेनो हादों। मुरेआ 2014 आरो 2016 माइथायव इरस्ते बैंक अपेन बिमुंखौ देरहानो हादोंमोन। मख 'जाथावदि,



हुखासआ 8 थि मासिन गेलेगिरि। थामथि मासिन गेलेगिरि माटिड बिरिटिनिआ अस्ट्रेलियान क्वालिफायर एलिविस फ्रिंसिखौ 7-6, 6-3 स्करव फेजेना नैथि

राउन्डआव सौहैनो हायो। गुबुन मेचफोराव 2018 माइथायनि सेम्पियन एलेक्स डि मिनरा, केबिन एन्डारसनखौ 6-3, 7-6 स्करव फेजेनो हायो,

कार्लस एलकोरेसआ, डेनियेल इभान्सखौ 6-4, 6-3 स्करव फेजेनो आरो निक लज बासिलासभिलिआ पाल्व करिन बास्ता 7-5, 4-6, 6-3।





### Complete your Protection against COVID-19, get Vaccinated

**Those who have not taken the COVID Vaccine cannot avail any benefits of State Government Schemes, including COVID Health Schemes.**

Benefits under all COVID Health Schemes as well as other State Government Schemes like Arunudoj, Prarthana etc. will be strictly linked to your COVID vaccination status.

Do your duty. Come forward and get vaccinated.

Remember, your protection will be complete only when you take both doses of vaccine **ON TIME.**

Call 80999470682, 8399863971 (State COVID Vaccination Control Room) for COVID Vaccination Related Queries

Call 108 for Ambulance Services

**Call 104 for Home Vaccination** if you are unable to go out due to health reasons or for any information regarding COVID Vaccination Centres near your home.

**Janasanyog/DF/1193/21**